

吳門補乘續編卷十

義局 附公署後



榮陽潘氏義莊在元和縣貞三圖長慶里俗名混堂巷嘉慶十三年

觀察潘文起建置田一千二百四十三畝有奇右為中憲公祠祀

文起父穎昌

法式善義田記蘇郡自宋范氏創立義莊數百年厥制弗衰因其制而損益之則今又有潘氏潘氏世居

吳康熙年間有諱穎昌字麟兆者力行善事尤以贍族睦親為急其子三人長炬執次士臯次錫三皆能體先人志置義田若干畝炬執子青橋借猶子輩續置田若干畝共計田一千二百四十餘畝非負十餘兩置買元邑平江路東隅古長慶里房屋六十楹重經脩再創立義莊祀麟兆公位於中巍然與范氏歲寒堂松風閣東西相望嗚呼可謂善述者矣青橋公具至性脩諸牒立宗祠一體其志而猶以為歉蓋亦念父母兄弟者天親也祖宗者父母之本也族人又兄弟之分也人能自保其子孫而不能保兄弟之子孫乎不能保兄弟之子孫又安能保吾之子孫乎此其故可以深長思也吾嘗慨世之人平居號召友朋酒食徵逐費于

補乘續編

卷十

義局 附公署後

一

金而不之恤於族人之顛連困苦熒獨無告者若罔聞知聞潘氏之風亦可以蹶然起矣且夫天下難能之事隳於需而成於果古人建奇功立偉績後世蒙休蒼生託命未始不基於一念耳潘氏篤行高誼世有國士風其於此莊也經理籌畫必勤必慎不以事小而或忽不買大而少靳將見行諸一鄉推諸邦國詬誶之聲絕於里黨太和之氣蒸為風俗其有裨益於世道人心者豈淺鮮哉故樂為之記錢塘梁同書書費淳義田記禮曰尊祖故敬宗敬宗古以形派分而源自合也白虎通義云宗者尊也通其有無紀理族人者也族者聚也謂恩愛相流湊也古者族之於宗異宮同財有餘則歸之不足則取昏冠喪祭必告不待贍而族無弗贍自此義不明至有等族人為途人飢寒而不之恤者宋范文正公仿收族之遺意設立義田以贍族人其時韓魏公亦合宗族正公之後世僅傳文正義田而魏公之舉鮮聞焉則義田所繫不禁重哉我國家久道化成凡孝弟睦姻之行大吏必請於朝一歲之間給帑建坊荷恩優獎者未易更僕數中憲大夫麟兆潘公世居吳中力行善事不可枚舉尤以贍族為首務居恒殫力經營先置義田若干畝立為規約飢者食寒者衣婚嫁者有資喪葬者有助事未竟而公歿令子炬執士臯錫三遵遺命增置田若干畝未及建莊又先後沒至文孫青橋觀察借猶子輩始續成之共計田一千二百四十三畝八分二釐四毫造冊呈明當

事嘉慶八年題奏奉 旨俞允蓋觀察之心以中憲公之心為心中憲公之心又以祖宗之心為心也猶憶乾隆乙巳歲蘇郡歉收觀察倡捐設廠煮賑嘉慶丙辰余率屬捐俸挑澹城河觀察首先助捐悉心總理復以餘項增修吳江石塘七十里許余特書功襄利濟額以贈觀察之誼重桑梓悉推本於中憲公之行善況係家族一本之親乎吾聞范氏義莊創於文正繼起者有忠宣至今弗替茲則中憲始創之其嗣君踵而行之孫曾輩復協力成之下以是矣本根之庇上以副 朝廷獎勵之心如是而尊祖敬宗收族之道豈特為鄉國所矜式也哉

清節堂在元和縣九都八圖虎邱山之南菱行河頭嘉慶十九年陳

道修建於無依貞女節婦節婦準攜帶年幼子女給贖教養堂

後有節婦墓 壬申有節婦祠韓是升引我郡新建清節堂為恤養

皇仁以彰憲德司事者為陳君道修破產首倡是舉敦行不怠冀善果之成昔程門問答或云養婦為窮困所迫不得已而再醮亦人情乎伊川先生正色而言曰餓死事小失節事大今此堂之設也蘇其困而堅其節上可以奉翁姑下可以撫子女即其夫在九

補乘續編 卷十 義局 附公署後

二

原亦可瞋目且堂中設立養婦之宗祠並立義學督課其子用意至周且備惟宏誓大願經費浩繁仁人君子其贊成之是為引

延陵義莊在吳縣桃花塢嘉慶二十一年吳振鎔等奉其父文垣遺

命建置田六 四十九畝三分八釐七毫莊屋五十九楹祠屋二

所墓 終日九十二畝一分三釐六毫以上田房各坐落吳長元三

縣江蘇布政司給帖勒石以昭世守

學校

正誼書院在滄浪亭之北可圍之右嘉慶十年兩江總督鐵保捐俸
建并記揆厥命名之義蓋取董子之言以爲多士鵠也

補乘續編

卷十

學校

三

祠廟

吳將孫子祠即滬濱侯祠在虎邱東山浜之北祀周吳將孫武嘉慶

十一年錫山孫觀察星衍即一榭園改建并記

其文曰吳東門外有孫子冢見越絕

書云巫門外大家者吳王客齊孫武冢也去縣十里又見郡國志

吳縣下明盧熊蘇州府志引吳地記云在平門西北二

呼孫敬雍永聲相近道遠未敢定之郡之士大夫及吾族人以為

虎邱吳王闔閭所葬孫子為吳王將軍破楚故閭門亦名破楚門

宜於虎邱建祠屋以棲神因謀于當道立祠焉孫子名武字長卿

其先出自齊田完五世孫孫書唐林寶宋鄧椿姓氏書言景公賜

姓孫氏食采樂安生焉齊卿馮生武以田鮑之難奔吳伍子胥薦

子吳王將軍破楚古者將軍如左傳將上軍將中軍之屬非有是

胥破楚之功不必及武故名偶不見於史武死有功其子明食采

於富春生牘顯於齊其後世有達人支族繁盛或居太原或居清

河或居汝州鄉城或居青州或居昌黎或居武邑武遂見姓氏書

皆孫子後也孫子有功于吳自當廟食此土後且失其墓豈稱東

補乘續編

卷十

祠廟

四

南士夫聲明文物好古興廢之志唐肅宗祀太公望為武成王孫

吳等十人配享如孔子之有十哲 國家令甲以孫子十三篇發

題試士尤宜令武學諸生有瞻拜象設之處然則吳門立祠合於

祀典有功於民及因國無主後則祀之義也翰林院庶吉士孫原

湘孫爾準山不查糧道孫星衍高唐州知州孫良炳皆遠祖孫子

正籍青浦刑部侍郎王昶為武五十七世孫以外家為姓亦孫子

之 建議贖贖蘇州周太守鏐吳縣舒大令懷元和萬大令承紀

實成此身并族人之好義者列名碑石云銘曰桓桓我祖傳此韜

鈴信賞必罰不殘以嚴伯吳入楚折衝樽俎歸功伍胥榮名不處

兵經煌煌名將之則適道以權我戰則克士有誦法神所憑依支

族分布崇祠在斯左瞻巫門北倚虎阜魂無不之死 而不朽廢祀復舉武功右文吳都永苾潢池埽氛

步興三賢祠在元和縣張菜園北祀明崑山處士沈愚沈魯副使沈

訥享堂之左為始祖祠其右為列祖祠又其外為學士祠祀 國

朝侍讀學士沈朝初康熙二十九年建九世孫煌初記 其文曰士

大夫家何為而有祠也蓋所以志祖功宗德于無窮而世世子孫思木本水

源以展春露秋霜之感也是故歲時伏臘少長相從飭豆遵陳鼎

俎相與拜奠於祠既奠徹俎則敦孝弟之行崇廉恥之風修禮義之節父得誠其子兄得勉其弟使吾子若孫世久而愈篤若是乎宗祠之立也重矣吾宗世居玉峯代有聞人後先輝映曾王父繼巖公始籍郡城其來也形單影隻刻苦力學啟詩書之澤迄今五世遂為著姓歷百有餘年瓜瓞綿衍累葉重輝芳流冠冕者其來有自也煌父子斗公念我祖考積善累行族姓繁衍顯榮光大世不乏人實祖功宗德有以庇賴其子孫而祠祭缺焉未講非所以休文公祭銀分給致祭蓋有年矣而祠宇未建非敢緩也力不贍也歲丙寅潛菴湯公撫吳脩廢舉墜政無不理旁搜祀典諸不在舊典者黜令勿祠家編修東田兄丁外艱歸里渠別墅懷雲亭蓋叔父青城公思親之所也後有廢祠東田兄請于新撫玉峯趙公改建吳興三賢祠而梁木蠹矣瓦墜溜矣石物泐矣所僅存者頽垣址而已于是聚族而謀改作土木之工其費頗艱伯叔兄弟前煌督率煌目分才短力綿難勝厥任竊念先人未竟之業欲繼其志不敢諉功遂督其役備備焉懼負所託自夏徂冬心力瘁焉而迄未有成越明年東田兄從閩歸復鳩工庀材煌又左右之乃鑿乃塗木工告成禮祠之落成也非祖宗之功德可垂不朽與宗族之協力東兄之始事其曷有濟哉煌縱司督理稍為應墊其何力之有獨不敢沒祖功宗德之所自來而欲示我後人俾無忘詩

補乘續編

卷十

祠廟

五

書世澤之綿長相與修已齊家孝友睦姻世世勿隕厥家聲也故特援筆以志之若夫工料之費捐助之日另勒諸石不敢私也是歲康熙二十九年庚午春王正月也

齋園在虎邱即孫子祠孫星衍葺中有授書堂堂後為星衍祖母

許太夫人守節課孫壽至百齡又有寶順齋壺天小閣

齋壁嵌置順陵碑凡四十七石閣壁嵌置薛氏舊摹石鼓全文凡

七石兩刻星衍皆有跋

武肅王分祠在長洲縣間邱坊巷嘉慶十六年裔孫鋒捨宅建亦名

息園顧氏依園舊址也

慶保記蓋聞崇德報功必隆禋祀敬宗收族當立家祠我國家因時制禮順順人

情誠盛典也祭法曰凡為民禦災捍患者則祀之况保民生於百歲垂功德於千秋者乎惟錢武肅王鏐當五季干戈擾攘之際獨能保障十三州為富完安樂傳子及孫而武肅第六子廣陵郡王元璠為中吳軍節度使分守吳會其子威顯公文奉承襲相繼一

門列戟萬姓崇麻浚溝洫課農桑使吳越相為表裏安於磐石選忠懿王納土歸宋族屬隨至汴京者至三千餘人及高宗南遷復歸吳越而子孫益蕃故報本追遠崇廟貌以祭者杭州表忠觀而外若會稽若明州若海昌若台州臨海若晉陵錫山建立分祠者甚衆而吳中舊亦有祠歲久湮廢瞻拜無由是非所以崇德報功敬宗收族之義也嘉慶十五年余奉命宣化三吳王之三十世孫侯遠府同知鋒偕其宗人來呈譜牒援義例請捨所居為建家祠以誌之因聞之撫軍上之禮部列之祀典以永其傳焉祠故依園舊址見於郡志今日息園中有妙嚴臺為蕭梁遺跡水木明瑟境地清遠宜為神靈之所憑依前為堂三楹奉勅封誠應武肅王及文穆忠獻忠懿忠懿四王為正祀以廣陵威顯為配享其後嗣有德行文章功業科第者如從祀孟廟之明刑部尚書錢唐崇祀鄉賢之南京刑部尚書錢邦彥刑部郎中錢有威國朝贈六部郎錢世辨博學鴻詞贈中憲大夫錢中諧並前江西吉南兵備道授中憲大夫錢策解會狀元內閣學士兼禮部侍郎授資政大夫錢棨蔡謙公俱祀別室禮也嗚呼水源木本之思人孰無之然苟非致身通顯而擁素封者鮮有能為之也今鋒旣未沾升斗祿又乏中人資乃能堅於立志勇於為義慨然首倡而族中長幼咸捐輸贊襄成此義舉亦可見錢氏家風之美矣且聞又將倡捐義田設義塾脩理先世墳塋其風義有足尙者錢氏多賢宜共勉

補乘續編

卷十

祠廟

六

之吳中諸祠惟范氏為最著蓋非獨文正之德澤百世不祧亦其子孫之賢有以維持於後也今錢氏詩禮相傳簪纓接踵為吳中巨族當可以繼文正之遺風而無愧於武肅諸王在天之靈矣越明年三月工既成爲文其貞石而系以銘曰君子之業立德立功臣子之職盡忠盡孝武肅間氣寶鍾文武開濟命世之雄築唐捍海保障無窮奇勲偉績列聖褒封穆穆廣陵分鎮吳中恭楷約克字家風天祐有德子孫蕃隆爰建新祠肅肅雍雍馨香祖桓感格神聰誠後昆之謹守爲名邦之華宗三十世孫泳隸書

姚五涇姚文毅兩先生祠在王府基竹堂寺東

尹陳二公祠在府學中祀江蘇巡撫尹文端公繼善陳文恭公安謀

嘉慶十八年建

黃孝子祠在元和縣地三圖百獅子橋南祀旌表孝子農農行誼

見前志妻金氏亦以節旌乾隆十三年孫庸建坊于門厥後曾

孫元李等讓宅爲祠而僦屋以居元李亦端士以明經終

王孝子祠在慈悲橋西吳縣治東祀 旌表孝子如松乾隆四十九

年建姑 旌表孝女素記

其略曰吾父諱甸安客于外家貧慈母

見昔長弟雲湘十歲次弟鏡湖五歲惇惇赤手困苦疲憊素與兩弟相依為命鏡湖弟年十八充吳縣書佐是年嚴親歸歸六年而卒未幾雲湘弟為從兄佔產事亦抑鬱卒當是時素與鏡湖弟竭蹶撐持手拮据而口卒瘠常不勝其憂

補乘續編 卷十 祠廟

抱哭喊救素等解下慟哭魂飛慌亂間不知如松進內及至尋覓忽見內房緊閉排扇而入則已自縊于牀闌莫救矣素慘痛情極即于二十八日持弟親筆寬單二紙又吳開周催銀書札子身奔號臬轅至五十九年二月僅將與開周法外薄懲中結旋蒙長邑田侯請旌太守焉公給以釋齡血性之額嗚呼世道如此素何人斤而能抗焉惟痛地下含冤後世不知顯末故又稟請立碑以垂

聲悲慟四鄰驚其一悲哀鬱肺生痰耗瘦影隨形神不揚天地若知人怨苦淚河流得到松傍其二

其二

冢墓

天長縣教諭鄉賢張映葵墓

在長洲縣九都三十圖
虎邱新塘橋放鳥浜

太平府教授張鳳翼墓

在吳縣二十都二圖
竹則字圩東龍池

處士錢埭墓

在虎邱自題其碣
曰梅花和尚之墓

名宦

汪志伊號稼門桐城人乾隆三十六年舉人五十五年知蘇州府事
甘淡泊不名一錢時進諸生而面訓之諄諄於正心誠意之旨重
修府學鞏固倍於舊五十六年陞蘇松常鎮太督糧道時漕政大
壞巡撫長麟欲整頓恐有阻志伊力贊成之囚諸倉奸猾吏罰令
築塘贖罪嘗冒霜雪微服行得青浦令何廷鳳浮收狀立劾免所
部肅然^然時盤驗交收稍畱難輒侃侃爭奸吏率斂容謝人比
之雍正間焉 示夏云五十七年擢江蘇按察使嚴治丁許等四大
娼家其餘大書烏龜二字於背並纍纍然荷校于途尋陞去嘉慶
八年巡撫江蘇時漕政又壞去其甚者九年吳中水奸民聚眾掠

補乘續編

卷十

名宦

九

米奏 聞誅其魁又請蠲賑民乃安官至浙閩總督罷歸

唐仲冕字六幕號陶山湖南善化人乾隆五十八年進士歷任荆溪
奉賢吳江知縣嘉慶四年調吳縣一以潔已愛民為事嚴察奸蠹
使不得逞更有去而徙業者嘗作桃花庵四律諸名士屬和成帙
曰花鴨聯吟拔取長洲副貢生沈奎詩壓卷以聖廟樂器殘缺出
貲補製清理韓敬堂墳地立吳縣知縣題名碑修唐子畏墓刻六
如居士詩文集凡茲均非俗吏所為七年遷知海州其去也凡前
任虧空悉以漕餘補之曰吳縣物即辦吳縣事吾不入私橐其不

苟取如此

嘉慶六年夏決科榜文吳中俊彥一一如珠江左文章
家家是玉秀奪靈巖之翠大有入焉清思鄧尉之梅每

多作者上章秋賦曾披豹蔚之文作語春闈喜觀鴻儀其羽花濃
雁塔捷者先登桂馥蟾宮後來居上硯穿桑鐵俄經卒歲辛勤書

積曹倉更閱窮年搜討時當九夏又值槐黃學足三冬彌精竹素
乘風破浪將爲萬里之遊擷秀華芳先吐一枝之艷雖文無定論
菊蓮之好或殊而士有真才鐵芥之投必合本縣未忘結習敢負
初衷雅懷汲古之英夙好逢時之器擇於六月初六日廣集羣賢
博徵鴻製寤寐而思良士期愜素心摸索而卜賢書欲換左券預
擬他時之遇名下無虛斷盡一日之長奇文共賞勿孤子望母闕
爾

常養蒙廣西人乾隆三十一年知元和縣事開敏有吏才神於折獄
惡奴與主母通而礙于其子唆其母以不孝訴而已爲證養蒙不
待訊鞫已燭其情因奴自稱好人謂之曰吾今日成全汝好人之
名使代不孝了受杖遂重笞之一婦與和尚有奸其媳實無所染
故污蠖之養蒙問和尚和尚不荅問姑媳姑媳爭辨不休因遣隸
取寺院大戒尺使姑媳擊和尚首姑輕扑之媳含怒已久竭力奮

補乘續編 卷十 名宦

十

擊和尚抱頭呼痛養蒙大笑如律決遣其他類如此一時稱爲神
明有今世龍圖之目

選舉

制科

博學鴻詞科

康熙十八年己未各省徵士一百八十六人 召試欽取授職者五

十九人海鹽彭孫通為首蘇州九人吳門五人徵而未試者三十人蘇

州三人吳門一人試而未用者九十七人蘇州八人吳門三人

馮勗 長洲人一等授 檢討雅志有傳

錢中諧 吳縣人一等授 補修雅志有傳

汪琬 長洲人一等授 編修雅志有傳

尤侗 長洲人二等授 檢討雅志有傳

補乘續編 卷十 制科 士

范必英 吳縣人二等授檢討 以上五人俱見雅志

惠周惕 原名恕長洲人 雅志有傳

蔡方炳 昆山人長洲諸生雅志有傳 以上二人徵而未試雅志未錄

宋贊穎 長洲人雅志有傳

金居敬 長洲人雅志有傳

黃始 吳縣人雅志有傳 以上三人試而未用雅志未錄

乾隆元年丙辰各省徵士二百六十七人 召試欽取十八人武進

劉綸為首徵而未試者五十四人蘇州六人吳門三人試而未用者九

十五人蘇州十三人吳門六人

葉長揚 字爾祥吳縣人有傳

宋照 字謹涵長洲人雅志有傳

黃濤楫 吳縣人歲貢生見雅志選舉鶴徵錄作江寧人傳見正編

邵岷 元和籍龍游人武生正編有傳作元和人以上四人未與試雅志未錄

沈虹 字衛梁長洲人有傳

韓曾 長洲人文懿公茂孫附見雅志茂傳

倪承茂 吳縣人正編有傳

沈德潛 長洲人正編有傳

陸枚 吳縣人月傳

張鳳孫 字少儀華亭人徙長洲見雅志雍正王子乾隆甲子兩科副榜有傳

陳黃中 長洲人正編有傳以上七人試而未用雅志亦未錄以上前後兩科凡二十一人並見鶴徵錄

補乘續編 卷十 制科

經明行修科

乾隆十六年辛未徵士四十九人 十四年己巳奉 詔薦舉至是年齊集京師

惠棟 九和人未用見李斗揚州畫舫錄正編有傳

張鳳孫 未用詳見前

特科

雍正二年甲辰

金祖靜 字會川吳縣人監生用薦授部主事終貴州按察使

邱錫嘏 字爾常元和人監生由副都御史趙大鯨薦舉授禮部司務歷兩淮板鋪場鹽大使

孝廉方正科

雍正二年 申氏世譜作十年 二林居集作六年

顧峻

字商衡府學諸生
縣未詳見入泮錄

周夢華

字元禮吳縣人府學諸生
薦官宿州知州見入泮錄

申景雲

字德山吳縣人府學廩生由督學張廷璐薦舉授龍
溪縣知縣見世譜是科薦舉頗多可考者止此三人

嘉慶元年丙辰

嚴晉

字裕初吳縣人乾隆乙
未會元福次子監生

江聲

字鱸濤長洲人布衣
附見正編惠棟傳

尤世楠

字文叔元和人
以上三人俱 恩貢生有傳
授六品銜

進士

續在志乾隆十
年二丑科之後

乾隆十三年戊辰梁國治榜

吳縣志
七年止

元和方懋祿

字定之官襄陽府知府
見前志九年順天舉人

補乘續編

卷十

制科

進士

三

乾隆十六年辛未吳鴻榜

吳劉椿

字萬葉官鉅野縣知縣
見前志十二年舉人

金祖昌

仲聃利川知縣見
前志十二年舉人

長洲朱光發

字潛夫官禮部祠祭司主
事見前志十二年舉人

沈世晉

字接三官
刑部主事

褚端北

榜姓胡字端季寄籍灤州官酉
陽州知州見前志十二年舉人

元和顧德懋

字慎衡康熙癸卯舉人
奕榮曾孫官禮部郎中

乾隆十七年壬申 恩科秦大士榜

吳李章培

字敏成官兵部
武庫司員外

陸象雲

縵卿吏部文選司主
事見前志六年舉人

元和李炯

字淡成官茂名縣知
縣見前志元年舉人

乾隆十九年甲戌莊培因榜

吳 王關伯 字鎮西前明文恪公鑿九世孫官澧州知州

長洲汪大經 榜姓王字範成官清鎮縣知縣

錢 策 字萬言順治戊戌進士中諧曾孫官江西吉南贛寧道

乾隆二十二年丁丑蔡以臺榜

吳 黃 珪 字位仲官教授見前志九年舉人

長洲彭紹觀 字禺若雍正丁未狀元啟豐次子官侍讀學士見前志十二年舉人

彭紹升 字允初啟豐第四子二十六年補 殿試有傳

蔣國華 字遜儒辛酉副榜光示子官冀州知州

元和邱廷瀾 字觀亭雍正甲辰特科錫嘏子官宣平縣知縣

陳 銓 字念劬官澎湖通判

補乘續編 卷十 進士

夏良士 字邦楨官松江府教授見前志九年舉人

乾隆二十五年庚辰畢沅榜

吳 宋 銑 子舜音文恪公德宜四世孫官衡州府知府

長洲吳泰來 字企晉官內閣中書有傳

元和周 浩 字字涵二十六年補 殿試

乾隆二十六年辛巳 恩科王杰榜 元和志是科止

吳 汪為善 字心揆庶吉士

長洲黃騰達 字雲衢官禮科給事中

元和沈士駿 字文聲 南巡欽取官編修

郭 鏞 字昌符壬申舉人廷贊弟官永興縣知縣

附 戴元夔 字 丙辰 山東解元

乾隆二十八年癸未秦大成榜 長洲志 是科止

長洲褚廷璋 字左義 辛未 召試舉人 寅亮 從弟官侍讀學士 改主事 有傳

邵一聯 字敦之 雍正癸卯進士 錦濤 子大興 籍見前志 六年舉人

乾隆三十一年丙戌張書勳榜

吳 張書勳 字在常 第一人 及第官中允

陳嘉炎 字潤之 官諸 城縣知縣

王岱東 字泰岳 官徐 州府教授

元和姜 晟 字光字貞毅 先生 塚四世孫 官 刑部尚書 加太子少保 有傳

顧聲雷 字震蒼 順治丁亥進士 子 咸族裔 官惠州府知府

補乘續編 卷十 進士

圭

蔣麟書 字震遠 官馬 邑縣知縣

莊承錢 字少彭 丁巳進士 大 中子官侍讀學士

黃良棟 字初 姓錢 字翼安 官南昌府知府

乾隆三十四年己丑陳初哲榜

吳 潘奕雋 字守愚 官戶部主事 道光壬午 重遇賓興 恩加員外郎 銜

元和陳初哲 字在初 前明僖敏公 鎰九世孫 第一人及第 官湖北荆宜施道

乾隆三十六年辛卯 恩科黃軒榜

吳 鄭源燾 榜姓陳 字 官御史

陸光暘 字旭之 官福 建省知縣

附 馮 埇 號諧梅 官雷 州府知府

長洲黃

軒字日駕辛巳進士騰達弟第一人及第官四川川東道加按察使銜

韓

暢字遂生前明貞文先生馨曾孫官清江縣知縣

元和

李堡

字紹韓官會寧縣知縣縣改安慶府教授

顧

葵

字茂荆康熙乙未進士沈士曾孫乾隆辛酉副榜義山子官廣西左江道

江

琅

字亞卿官福寧府知府

乾隆三十七年壬辰金榜榜

吳

吳俊

字執干官山東布政使改光祿寺卿

毛鳳儀

字孟春四十年補試官山東道御史

殿

長洲李

蔡

字文翰官順天府府丞

宋

鎔

字亦陶文恪公德宜四世孫康熙乙丑進士大業曾孫官刑部侍郎改鴻臚寺正卿

補乘續編

卷十

進士

六

邱庭滢

字叔大丁丑進士廷瀾從弟官山東布政使

乾隆四十年乙未吳錫齡榜

吳

嚴福

字景純會元官編修

金朱楣

字萊娛官確山縣知縣改江寧府教授

郝

錦

字東裁官安平縣知縣

范來宗

字翰尊文正公二十四世孫官編修有傳

邱桂山

字衣干壬午舉人庭澍次子官潮州府同知

楊昌霖

字際時以舉人官中書纂修四庫全書告成三十八年賜進士一體殿試至是名列三甲復賜庶

士吉

蔣

基

字亦堂己未進士應煇子官乾州知州

元和顧宗泰

字景嶽官高州府知府有傳

乾隆四十三年戊戌戴衢亨榜

吳 蔣曾煌

字景環庚辰舉人會
忻弟官郴州知州

元和馮 培

字仁寓辛卯進士
弟官戶科給事中

江 珽

字長卿辛卯進士
弟官潁州府教授

乾隆四十五年庚子 恩科汪如洋榜

吳 吳樹萱

字壽庭始字寅萬壬辰
進士俊弟四川候補道

長洲程際盛

字煥若
官御史

乾隆四十六年辛丑錢棨榜

吳 吳紹昱

字德甫庚辰進士
泰來子官御史

補乘續編 卷十

進士

長洲錢 棨

字振威順治戊戌進士中諧四世孫
會元第一人及第官內閣學士有傳

張鳳翼

字儀廷丙子舉人光焯
子官太平府教授有傳

乾隆四十九年甲辰茹綦榜

吳 顧禮琥

字西金官河南
上北河同知

潘奕藻

字思質己丑進士奕雋
弟官刑部陝西司郎中

長洲彭希濂

字溯周雍正丁未狀元啓豐孫
官刑部侍郎改福建按察使

元和沈肯松

字森如乾隆丁酉舉
人璠弟官商虞通判

乾隆五十二年丁未史致光榜

吳 周宗元

字均三庚午舉人普
潮子官天台縣知縣

張 溥

字乾一
庶吉士

長洲沈清瑞 字吉人戊子 舉人起鳳弟

彭希洛 字景川甲辰進士希濂 弟福建道御史有傳

周維祺 字曉白官吏部 稽勲司郎中

乾隆五十四年己酉 恩科胡長齡榜

吳金梅 字漢馨康熙甲午舉人 淑孫官開化縣知縣

長洲彭希鄭 字會英丙午舉人希 諫弟官常德府知府

乾隆五十五年庚戌石韞玉榜

吳石韞玉 字執如第一人及 第官山東按察使

郭淳 字元會 官編修

長洲吳雲 字潤之五十八年補 殿試官彰德府知府

補乘續編 卷十 進士

元和宋簡 字在心戊午舉人宗元 從孫官高密縣知縣

乾隆五十八年癸丑潘世恩榜

吳潘世恩 字槐堂己丑進士奕雋姪 第一人及第官戶部尚書

劉敬熙 字憲謨癸酉舉人慧 遠子官南昌縣知縣

沈大呂 字金宣六十年補 殿 試官徐州府教授

鄒宗榮 字資三未 殿試

長洲鄧雲倬 字步青官 州府教授

附 元和黃炳奎 號春帆丙戌進士良棟 長子官瀘溪縣知縣

乾隆六十年乙卯 恩科王以銜榜

吳潘世璜 字黼堂己丑進士奕雋子第三 人及第官編修改戶部主事

嚴榮 字瑞唐乙未會元福子官杭州府知府

嘉慶元年丙辰趙文楷榜

吳楊廷琮 字象坤官內閣中書

慕鏊 字德儀江蘇巡撫天顏曾孫天顏致政後家于吳今慕家花園即其故居鏊官至廣東肇羅道

譚元 改名清長字懷岷今官贛州府知府

元和陳鶴 字鶴齡官工部營繕司主事

王巖 字山巖未殿試

附黃焜望 字仲民乾隆丙戌進士良棟次子官編修

嘉慶四年己未姚文田榜

長洲彭蘊輝 字葆真乾隆丁未進士希洛子官編修

補乘續編 卷十 進士

九

元和陳超曾 字亭表官饒州府知府

陳鍾麟 字肇嘉文莊公仁錫五世孫今官浙江杭嘉湖道

嘉慶六年辛酉 恩科顧阜榜

吳沈酉 字書山乾隆戊子舉人起鳳從叔官遂平縣知縣

徐華嶽 字鎮西庶吉士候補員外

蔣萬寧 字際虞乾隆丁酉舉人元復弟官封邱縣知縣

長洲吳頤 字敬伊官戶部主事

嘉慶七年壬戌吳廷琛榜

吳顧純 字吳羹前明貞孝先生國本五世孫官侍讀學士改編修

元和吳廷琛 字震南會元第一人及第今官直隸清河道

嘉慶十年乙丑彭浚榜

吳 顧 寅 字賓嶠官工部主事

程 晉 復姓陳字德蕃今官涿州知州

長洲徐 頤 字直卿第二人及第今官內閣學士

嘉慶十三年戊辰吳信中榜

吳 吳信中 字閱甫乾隆庚戌進士雲子第一人及第今官侍講學士

董國華 字榮若今官福建道御史

高翔麟 字徽堂今官湖南衡永郴桂道

吳恩韶 字修安今官刑部湖廣司員外

鄒士麟 字厚堂官渭川縣知縣

補乘續編 卷十 進士

長洲陶 樑 字寧求乾隆丁酉副榜彭子今官正定府知府

凌企曾 字瑞青乾隆己未進士編孫今官惠來縣知縣

嘉慶十四年己巳 恩科洪瑩榜

吳 吳慈鶴 字韻臯乾隆壬辰進士俊子今官編修

陶文植 改名嘉植字心培戊辰進士樑從弟今官內閣中書

蔣泰階 字玉調前明崇禎戊辰進士燦六世孫今官內閣起居注主事

蔡信芳 字潤之今官清澗縣知縣

長洲譚瑞東 字春生乾隆甲寅舉人大中子今官衢州府知府

李清傑 字企三官永城縣知縣加知州銜著有滎陽石刻記四卷

顧元熙 字麗丙官侍講

元和陳春甲

字藹人乾隆乙酉 召試舉人希哲子官國子監學正

嘉慶十六年辛未蔣立鏞榜

吳 王毓吳

復姓吳改名毓英字鞠仁第 二人及第今官刑部主事

吳廷珍

字上儒第三人 及第官編修

戴葆瑩

字凝甫乾隆庚子舉人書培 子庶吉士改夏邑縣知縣

蔣超曾

字軼驥乾隆丁酉舉人榮 子庶吉士改城武縣知縣

鄭長籙

字紀香官會 寧縣知縣

長洲毛鼎亨

字湖汾傳臚今官 吏部考功司員外

郝掄才

字汝恒乾隆乙未進士 錦從孫今官兵部主事

邱家煒

字彤百乾隆壬午舉人庭 澍孫今官山東道御史

補乘續編 卷十

進士

三

嘉慶十九年甲戌龍汝言榜

吳 蔣元封

字肇康己巳進士泰階從 弟二十四年補 殿試

長洲蔣慶均

字春祺泰階弟庶吉 士改確山縣知縣

陳世泰

字聯豐官 禮部主事

吳人傑

字冠百乾隆辛卯舉人大 士姪官四川定遠縣知縣

元和李逢辰

字允中今 官編修

嘉慶二十二年丁丑吳其濬榜

吳 胡國英

字俊三今 官檢討

陶惟煇

字鏡涵今官 內閣中書

王兆辰

字申曾乾隆丙戌進士岱 東孫今官潁州府教授

張日景 字曉瞻今官編修

嘉慶二十四年己卯 恩科陳沆榜

吳 錢 棠 字召封乾隆辛丑狀元榮從弟今官長治縣知縣

周曾毓 字格人乾隆丁未進士宗元孫官國子監學正

元和蔣廷恩 原名棠字萼輝官中書

嘉慶二十五年庚辰陳繼昌榜

吳 何桂馨 字見復乾隆庚午舉人爾昌從姪今官編修

吳慶祺 字賡珊庶吉士改知縣

長洲許大銛 字璞之雍正癸丑進士集曾孫

元和胡希周 字碩膚今官工部主事

補乘續編 卷十 進士 舉人

盧毓嵩 字豫生乾隆己酉拔貢生元礫子今官戶部雲南司主事

舉人 續雅志乾隆十二年丁卯科之後

乾隆十五年庚午科 解元元和梅賾。吳縣志九年甲子科止

吳 王 鏞 字元音東洞庭山人官定邊縣知縣

鄭 璇 字璣在東洞庭山人府學官溧水縣教諭陞三臺縣知縣

吳 翀 字在揚

鄭世燾 字景江東洞庭山人官山陽縣教諭

王岱東 見丙戌進士

周普潮 字博元官汜水縣知縣

蔣復焜 榜名乾焜字健行北榜官刑部員外

汪圻 榜姓顧字紹環寄籍北通州官雲南按察使

鄒灝 榜姓劉字純伯寄籍北通州官江油縣知縣

長洲沈世晉 見辛未進士

江瑛 字寶成

孫其武 字是繩官銅陵縣教諭

時敷五 字振宜

蔣國華 北榜見丁丑進士

何爾昌 字晉蕃寄籍北通州官華亭縣教諭

元和梅戴 字凱朋解元官銅陵縣知縣

張煥 字大文官湖廣省同知

補乘續編 卷十 舉人

顧德懋 北榜見辛未進士

申贊皇 庠名世銑榜姓張字瓚黃寄籍玉田官玉屏縣知縣改騰越州州判

乾隆十六年辛未 南巡 召試舉人

長洲褚寅亮 字摺升府學官刑部員外有傳互見 巡典

乾隆十七年壬申 恩科 解元泰州仲鶴慶是年春鄉秋會

吳張鵬 字紀常

朱文橋 原名文楨字毓奇官歙縣教諭調宿遷周于猷贈文橋同年徐伸詩云溫溫朱廣文講學雷淮楚

汪庚 字西躔徽州人寄籍吳縣府學官知縣

吳昌宗 字大聲官南匯縣教諭

章岷望 字振新

郭廷贊 字端叔康熙壬辰進士

李章培 北榜見本年進士

江薰 本姓金字 寄籍仁和

長洲徐伸 字寧寰 早卒

顧祁 原名效殊字淄文詒祿子 寄籍大興官海州學正

王志仁 字安士寄籍通州

元和郭鏞 見辛巳進士

沈光裕 字瞻文府學官 直隸省知縣

朱照 庠姓沈名廷照字學周寄籍昌平周王猷寄沈大迎內子赴任詩云鹽官之庭喧如市鹽官之心冷如水 津門薄宦五載餘書來迺欲攜妻子殆任天津鹽經歷監大使之類縣志闕

補乘續編 卷十 舉人

陸宇豐 字馭平府學北榜

施文燾 字倬雲寄籍昌平 官莆田縣知縣

乾隆十八年癸酉科 解元鎮洋胡溶

吳沈李 字雲裁官溧陽縣教諭

劉慧遠 字鳴揚官陽湖縣訓導

陳浚薪 字翼若官祁門縣教諭

陳王賓 字仲占

楊士模 字式亭官平羅縣知縣

周宗珩 字祖季官高淳縣教諭

王關伯 寄籍天津見甲戌進士

徐揚

字□□以畫院供奉人官內閣中書互見

賜舉 巡典

長洲錢策

見甲戌進士

朱朝琛

字獻南官溧水縣教諭

顧顥遇

字未穆

汪大經

字培風長洲人榜姓王寄籍密雲見甲戌進士

元和陳銓

字舜欽元和人寄籍大興見丁丑進士縣志入長洲題名碑錄作常熟俱誤

尤世宜

字受天

顧天錫

字麗如

周浩

見庚辰進士

邱廷瀾

北榜見丁丑進士

補乘續編

卷十

舉人

三

江二儀

榜姓賈字思菴寄籍故城官晉寧州知州

乾隆二十一年丙子科

解元丹徒柳濤是科廣額十名

吳汪錫周

字維新官知縣

施景範

字禹成

潘凱

字倬成官淡水同知有傳

陸光昌

字紹庭

黃應超

字永譽官古田縣知縣

凌景

字用錫北榜官知縣

龔晉蕃

字康海榜姓張名晉字敦大寄籍大興官涇縣教諭

長洲蔡學乾

改名青字步雲官壽州學正

郭廷采

字南萃王申舉人廷贊弟官詔安縣知縣

彭紹升

見丁丑進士

冷秉桓

字公符縣志闕

蔣業晉

字紹初寄籍密雲官黃州府同知縣志闕

張光焯

字南吉康熙乙丑拔貢生映葵子北榜選婺源縣教諭未抵任卒有傳縣志闕

元和唐 燦

字龍光北榜官禮州知州

張葉鈺

字子堅府學北榜官黎城縣知縣轉隨州知州未赴卒

陳國枋

字志學寄籍良鄉

乾隆二十二年丁丑

南巡

召試舉人

吳 徐曰璉

字商珍官內閣中書互見 巡典

補乘續編

卷十

舉人

三

長洲褚廷璋

見癸未進士又見 巡典

乾隆二十四年己卯科

解元高郵孫同敞

吳 沈 杰

庠姓錢字漢容官內閣中書

宋 藩

庠姓金字崙發

張書勳

見丙戌進士

陸光暘

見辛卯進士

黃 庸

庠姓蘇字璇辰孝子農孫附見父商衡傳

宋 銑

北榜見庚辰進士

王誦芬

字千里文恪公鏊九世孫寄籍山東官開化縣知縣

長洲吳泰來

庠姓高見庚辰進士

周 瑗 字南和府學官

韓襲祥 字中行文懿公蒞曾孫雍正丙午舉人

江 麟 字莘耕康熙辛卯舉人琮子

莊誠立 字則明府學官

盛林基 字嘉蔭榜姓林庚午舉人順天林儁之甥

章 棠 字自勤北榜官

元和吳鼎科 字廷寶祖籍

鄧安道 字經邦選廣東

孫麟徵 字星為府

張定厚 字廣雅官旌

補乘續編 卷十 舉人

程廕桂 字燕山寄籍仁和順天

附 戴元夔 江都人按縣籍流寓

乾隆二十五年庚辰 恩科 解元常熟仲嘉德

吳 陳嘉炎 見丙戌

顧榮華 字德元

蔡大鏞 字元

顧奕松 字鶴山北榜

汪為善 吳縣人祖籍徽州寄籍崑

蔣曾炳 字景炎北榜官

蔣國萃 字醇儒丁丑進士國華

長洲薛起鳳 字皆三 有傳

陳基德 字元璩文莊公仁錫四世孫 府學北榜官河間府知府

陳庸 字身為文莊公仁錫四世孫北榜官中書。按入泮錄始姓郭名鏞復姓陳改名庸又改彭齡

黃騰達 父衡州府知府興祖自休寧僑寓長洲縣獅子林騰達寄籍仁和通籍後改歸休寧詳見辛巳進士

元和顧聲雷 見丙戌進士

陳初哲 見己丑進士

李堡 見辛卯進士

沈士駿 見辛巳進士

黃良棟 榜姓錢寄籍大興其先自休寧來徙墓在郡城北園見丙戌進士縣志闕

乾隆二十七年壬午科 解元歙縣吳珏

補乘續編 卷十 舉人

三

吳劉大年 字含元官金山縣訓導

吳俊 見壬辰進士

孫道恩 字受益

章含美 字受之官嘉定縣教諭

李鋒 字含吉官扶溝縣知縣改陽湖縣教諭

邵震 字雙飛官來安縣教諭

朱煥 字守樸北榜南元官廣東廣盈庫大使

席世綿 字二酉東洞庭山人北榜官內閣侍讀

嚴福 東洞庭山人北榜見乙未進士

潘奕雋 錢唐籍見己丑進士

長洲江筠 字震蒼 亞元

汪元亮 字明之

陸錫嘉 字肇予 官全椒縣教諭

朱棟 字襄辰

胡士震 字東表 官翰林院待詔

邱庭澍 原名浩 字孟直 壬辰進士 庭澐弟 寄籍宛平 官工科給事中 縣志闕

褚鳴曦 字德音 辛未 召試舉人 寅亮 子北榜 官通山縣知縣 縣志闕

元和錢青 字萬選 改字士選 康熙己未進士 顧琛孫

江琅 北榜見 辛卯進士 縣志誤入長洲

江珽 北榜見 戊戌進士 縣志誤入長洲

補乘續編 卷十 舉人

完

姜晟 北榜見 丙戌進士

南巡 召試舉人

吳錢襄 字思贊 內閣中書 互見 巡典

乾隆三十年乙酉科 解元 崑山孫登標 長洲志是科止

吳潘奕藻 見甲辰進士

周夢棠 字澈明 官寧鄉縣知縣

郭毓圻 字載春 北榜官國子監學正

張塤 庠姓 蔣字商言 北榜官中書有傳

長洲沈鑛 字懷英

彭希韓 字玉擊 丁卯舉人 紹謙長子

韓暢 北榜見辛卯進士

蔣學文 字碩儒丁丑進士國華兄北榜

蔣禹邁 字紹業北榜

沈維熙 字清文文愨公德潛孫賜舉人

元和蔣麟書 見丙戌進士

徐藻 字衡初官五河縣知縣

周贊 字襄虞

莊承鏡 咸寧軍籍改歸元和見丙戌進士

南巡 召試舉人

元和陳希哲 字復初己丑狀元初哲弟內閣中書互見 巡典

補乘續編 卷十 舉人

乾隆三十三年戊子科 解元桐城張曾敷

吳楊昌霖 亞元見乙未進士

陳萬 字斯年官寶山縣訓導

沈起鳳 字桐翹己未進士驚遠孫官祁門縣教諭

陸方升 字敬存

潘元揚 字楚州官榆林縣知縣

汪師曾 字魯如庚午舉人圻子北榜官內閣中書

毛鳳儀 北榜見壬辰進士

陸敬 字儼若壬申舉人字豐次子北榜官內閣中書

鄭源燾 榜姓陳寄籍宛平見辛卯進士

附馮 培 無錫人寓吳縣北

長洲陸學遜 字敏時 府學

鄒見龍 字正 采

張鳳翼 府學見辛 丑進士

王 潤 字惠書官全 椒縣教諭

高 中 本姓童字引年 官內閣中書

徐蘭森 字佩馨 府學

徐 樞 字直 夫

曾廷楷 字作模 府學

湯大源 字萬宗 北榜

補乘續編 卷十 舉人

蔣謝庭 字蘊輝北榜官 吏科給事中

黃 軒 休寧籍北榜 見辛卯進士

元和范 恒 字旭始官山陽縣教諭 改湖南播揚司巡檢

蔣涵海 字志 渠

顧 葵 見辛卯 進士

林蕃鍾 字煜奇官婁 縣教諭有傳

宋枋遠 字元馭乙丑進士巨源姪北 榜官內閣中書協辦侍讀

乾隆三十五年庚寅 恩科 解元丹徒 張潮普

吳 黃有山 字敬 亭

繆 瑗 字玉儔己未進士敦 仁子官內閣中書

范來宗 北榜見乙未進士

朱日望 字用涵府學北榜官國子監監丞

吳天佑 榜姓趙字襄劬壬申舉人昌宗子寄籍順天官六安州學正

高應龍 字友夔北榜官永安縣知縣

顏廷燦 榜姓嚴字籍宛平官知縣

長洲程 炎 改名際盛見庚子進士

顧紹祖 字進之康熙庚子舉人自任子

孫國泰 字開兆府學北榜官融縣知縣

顧元鰲 字海占北榜康熙乙未進士沈士孫

邱庭澂 寄籍宛平見壬辰進士

補乘續編 卷十 舉人

元和陳位中 字貢易戊午舉人益子府學官崇明縣訓導

朱邦瑾 字發琦壬申舉人照從姪官桃源縣訓導

顧宗泰 北榜見乙未進士

馮培 無錫人僑寓吳縣之木瀆元和籍北榜見戊戌進士

韓彌祥 字季備雍正丙午舉人曾第三子北榜官歙縣教諭

乾隆三十六年辛卯科 解元昭文 李景訢

吳項浩 字集生前明天啟乙丑進士煜曾孫

汪體仁 字景堯

吳紹昱 見辛丑進士

郝錦 見乙未進士

沈元輅

庠名鴻字尊樸
官陽湖縣訓導

陸鳴梧

字鳳岡北榜官
山東省知縣

長洲李 蔡

見壬辰
進士

陳國鴻

字實
大

邱桂芬

庠名在璇字平山東洞庭山
人寄籍宛平署印江縣知縣

宋 鎔

北榜見壬
辰進士

翁樹棠

庠名起璜字韜伯東洞庭
山人北榜官國子監學正

元和顧心潛

字允
懷

劉萼棣

字念
劬

鄭廷柱

字擊天官江
陰縣教諭

補乘續編

卷十

舉人

三

吳大士

字覲徽
北榜

乾隆三十七年天津

召試舉人

長洲顧 塋

原名陶樽字堯俊
官常州府教授

乾隆三十九年甲午科

解元青陽
章道鴻

吳 金朱楣

原籍歙縣見
未進士

施 源

字實君官舒
城縣知縣

郭一臨

字敬堂前明嘉靖壬戌進士
諫臣六世孫官無錫縣教諭

徐觀光

字凝
遠

張士俊

字景
堯

何南璋

字恭彥丙辰
舉人炳奎子

徐燧雄 字肯堂官保 康縣知縣

邱桂山 寄籍宛平見 乙未進士

陸蓉 庠名山鑑字明 遠寄籍宛平

吳樹萱 庠名傑北榜 見庚子進士

顧超 字北甫寄籍順天官通 涇縣知縣改涿州學正

蔣基 奇籍宛平見 乙未進士

顏廷曜 榜姓嚴字質民寄籍宛平 改歸吳縣官華亭縣教諭

吳堯愷 庠名鼎新字重光東 洞庭山人寄籍大興

長洲錢載錫 字晉 蕃

彭希范 字嘉材丁丑進士紹觀 子府學官合浦縣知縣

補乘續編 卷十 舉人

席圻 庠名宣字少興吳縣東洞庭 山人長洲學改名寄籍大興

元和陳景良 字楚望官甘肅 華亭縣知縣

葉元符 字根天寄籍大興 官衛輝府知府

乾隆四十二年丁酉科 解元徽 州吳櫛

吳金梅 見已酉 進士

蔣曾煌 北榜見戊 戌進士

吳德輝 字振先寄籍北通 州官綏陽縣知縣

沈文棫 字士英寄籍宛平 官興化縣訓導

蔣元復 字升初寄籍大興 官榆次縣知縣

周泰 原名仲莖字坤一 改字安峯孝廉方正 夢華從孫寄籍大興官太倉州學正

張吉安 字迪民壬申舉人鵬孫寄籍大興官餘杭縣知縣

何光岳 字 籍北通州

蔣業謙 字搗吉寄籍大興官臺灣府同知

沈璠 原名橋字以方康熙己未進士朝初四世孫寄籍大興

王遇亨 字瀛仙庚午副榜道亨兄北榜官平陽府同知

長洲吳人傑 府學見嘉慶甲戌進士

汪濬 字哲文

彭希濂 見甲辰進士

周維祺 府學見丁未進士

蔣榮 字介修丁丑進士國華子北榜官名山縣知縣

補乘續編 卷十 舉人

朱思恭 字禮堂丁巳進士邦綬姪寄籍宛平官浙江浦江縣知縣

元和金會源 字夔伯

顧佺 庠名存約榜名揆又改今名字守之康熙戊戌進士承烈孫寄籍大興官海澄縣知縣

乾隆四十四年己亥 恩科 解元長洲錢棨

吳石韞玉 見庚戌進士

程世棟 字隆吉府學官江西省知縣

潘元振 字聲谷

汪師周 字兼三庚午舉人圻子

蔣詩庭 字松符戊子舉人謝庭弟

褚繩燮 字肇

沈大呂

見癸丑進士

陸夢弼

字殿芝康熙丁巳舉人
世恒四世孫府學

吳文垣

字觀微北榜官內閣中書

長洲錢 榮

庠名起解元見辛丑進士

周光鏞

字笙間雍正庚戌進士
範蓮子府學北榜官國子監學正

元和嚴國華

字敏來康熙乙未進士
禹沛姪北榜光祿寺署正

乾隆四十五年庚子科

解元高郵顧問

吳 周宗元

見丁未進士

郭 淳

見庚戌進士

鄒宗榮

見癸丑進士

補乘續編 卷十

舉人

三

朱 秉

字述祖

顧禮瓊

見甲辰進士

陸廷杰

字英千

陸 恭

字孟莊壬申舉人
字豐長子北榜

蔣萬寧

北榜見嘉慶辛酉進士

長洲吳文煥

字麗亭庚寅舉人
天佑從弟官定遠縣訓導

張邦弼

字清臣

朱一鳴

字亭立庚寅舉人
邦瑾弟

元和王瑩伯

庠名乾字玉山前明文恪公
鏊九世孫官鳳陽縣教諭

戴書培

字有華辛巳進士
元夔姪山東掖縣籍
元和人北榜官昌平州知州

沈雲尊

字青上雍正庚戌進士慰祖孫北榜官大名縣知縣

乾隆四十八年癸卯科

解元長洲沈清瑞

吳周光楷

字玉裁庚午舉人普潮次子

陸德愷

字合宜官都察院都事

孔傳金

字紹宣府學官南陽府知府

楊一鴻

字儀吉忠文先生四世孫康熙癸巳進士繩武孫

嚴榮

東洞庭山人北榜見乙卯進士

長洲沈清瑞

庠名沅南解元見丁未進士

鄆雲倬

見癸丑進士

彭希洛

見丁未進士

補乘續編

卷十

舉人

三

元和顧鴻飛

字鳳儕前明貞孝先生國本六世孫

韓崧

字峻惟貞文先生馨四世孫

沈肯松

北榜見甲辰進士

乾隆四十九年甲辰

南巡

召試舉人

長洲葉銓

字元衡錢唐籍諸生改歸長洲官內閣中書互見巡典

乾隆五十一年丙午科

解元無爲州張肇瑛

吳劉恕

字行之東洞庭山人丙子副榜金省子北榜廣西候補道

尤興詩

字進嘉北榜內閣中書

張溥

始名傳易吳縣學東洞庭山人後改名寄籍漢州見丁未進士

長洲朱

豫

字應和辛未進士光發第三子官青陽縣訓導

陳昌世 字仲五丙戌進士嘉炎姪

龔淪 字掌衡

蔡九齡 字步蟾西洞庭山人官六安州學正

彭希涑 字樂園丁未進士希洛弟府學

李邦燮 字贊廷壬辰進士蔡子北榜官楚雄府同知

陳鴻 字贊元北榜

黃騰驤 字北野長洲人仁和籍改歸休寧辛卯狀元軒弟官廬州府訓導

元和宋簡 見庚戌進士

周雋 字兼三丁酉舉人泰弟今官黃縣知縣

徐承慶 字夢祥北榜今官解州知州

補乘續編 卷十 舉人

三

乾隆五十三年戊申預行正科 解元泰興 季惇大

吳黃丕烈 字紹甫內部主事

沈酉 見嘉慶辛酉進士

徐登嶽 字在岡府學

呂翰 字元章祖籍徽州

鄭緒章 字象文東洞庭山人北榜官寧羗州知州

詹應甲 字鱗飛祖籍婺源北榜今官漢陽縣知縣

慕鏊 陝西靜寧籍順天榜見丙辰進士

徐坦 字禮莽寄籍善化今官寧陵縣知縣

長洲吳雲 祖籍休寧府學見庚戌進士

彭希鄭 見己酉進士

韓家裘 字治良文懿公

吳泰堦 字應符庚辰進士泰來弟北榜官翰林院待詔

元和蔣寅 字霽光官枝江縣知縣改芷江縣典史

天津 召試舉人

長洲王芭孫 字念豐官華亭縣教諭有傳

乾隆五十四年己酉 恩科 解元長洲張祖勳

吳潘世璜 見乙卯進士

黃國華 字天堤丙子舉人應超弟

楊廷琮 北榜見嘉慶丙辰進士

補乘續編 卷十 舉人

謝奎 復姓沈改名壇字卓立康熙己未進士朝初四世孫寄籍北通州

長洲張祖勳 字翊廷解元

元和金雲鳳 字字輝

王壽祺 字恒綬

黃炳奎 大興籍見癸丑進士

乾隆五十七年壬子科 解元江寧陳鴻緒

吳劉敬熙 亞元見癸丑進士

宋福潮 字虞起官江寧府訓導

吳榜 字廷鵬官阜寧縣教諭

夏文燾 字季慈府學

蔣鴻猷 字載常戊子舉人謝庭姪官全椒縣教諭

潘世恩 府學見癸丑進士

盛學度 字於唐今官丹徒縣教諭

郭 輅 字載商壬申舉人廷贊子府學中書科中書

吳紹景 改名清壽字步周庚辰進士泰來從姪

顧鳳梧 字贊皇北榜

楊士俶 原名士杞字載南北榜

長洲顧晉采 字亦裴

汪德焯 字樹蕃甲子舉人嘉濟孫早卒

顧 椿 字大千前明隆慶辛未進士九思八世孫

補乘續編 卷十 舉人

張智瑩 號愚亭雍正壬子副榜鳳孫姪北榜官知縣

吳 鋸 字振威吳縣東洞庭山人北榜官肥城縣知縣

元和陳 鶴 庠名人鏡見嘉慶丙辰進士

黃一機 改名春渠字用賓甲午副榜圖新子

吳廷琛 見嘉慶壬戌進士

乾隆五十九年甲寅 恩科 解元常熟陸仁虎

吳 席 珍 字聘之官沐陽縣教諭

顧 潮 字效韓

潘世榮 字錦堂甲辰進士奕藻子內閣中書

褚通經 字健卿辛未進士端北孫

顧文葆 字翰颺甲子 舉人元揆孫

鄭緒泰 字景舒東洞庭山人寄籍順天 欽賜舉人乙卯 欽賜檢討

長洲朱 晉 字懷鞠辛未進士 光發第四子

譚大中 字應階

宋流炳 字孝章戊子舉人枋遠 姪北榜官靖江縣訓導

元和陳鍾麟 府學亞元見嘉慶己未進士

王 巖 府學 欽賜舉人 見嘉慶丙辰進士

陳超曾 府學北榜亞元見嘉慶己未進士

黃焜望 宛平籍解元見嘉慶丙辰進士

乾隆六十年乙卯科 解元廣德州李賓

補乘續編 卷十 舉人

望

吳 陸 沅 字甫元戊子舉人 敬子內閣中書

江仁培 字蘊培

徐華嶽 見嘉慶辛酉進士

周嘉棫 字敬昭雍正庚戌進士範蓮孫

於 定 字靜遠 欽賜舉人

陳翼涑 字宛平籍

席存慤 字卓誠東洞庭山人寄籍大興官蕭縣教諭

譚 元 寄籍宛平見嘉慶丙辰進士

長洲張 墉 字玉臺 府學

凌企曾 見嘉慶戊辰進士

朱應潮 字方韓北榜
官亳州學正

元和陳文蔚 字厚培文莊
公六世孫

嘉慶三年戊午科 解元江都黃承吉
是科廣額三十名

吳 蔣泰堦 府學見已
已進士

吳山錫 字青嶽官望
江縣知縣

朱崑玉 庠名寶三字班瑞
今官定遠縣訓導

錢思深 字受谷
北榜

葉長福 字受茲東洞庭山人
北榜太常寺博士

張 薰 字藻林東洞庭山人寄
籍大興官來安縣教諭

長洲吳詒穀 字孝豐今官
雲陽縣知縣

補乘續編 卷十 舉人

蔣錫康 字晉
孚

彭蘊輝 北榜南元見
己未進士

元和宋 湘 字衡望乾隆庚辰進士銑子府
學北榜選來安縣教諭未赴

沈用謂 字衛園雍正癸丑進
士景瀾曾孫北榜

駱之詠 字 杭
州商籍

嘉慶五年庚申 恩科 解元荆
溪崔瑄

吳 吳廷瓚 字登瑤壬戌狀元廷
琛兄太常寺博士

顧 蕪 見壬戌
進士

姜本禮 字 東洞庭
山人寄籍六合

蔡信芳 西洞庭山
人善化籍

長洲張會湘字芬蘭

宋梁字幹如乾隆丁酉舉人思恭從姪

吳頤見辛酉進士

朱清淮字鑿齋寄籍宛平

邱家焯宛平籍見辛未進士

宋翔鳳字于庭乾隆庚戌進士簡子北榜今官泰州學正

元和黃之趾改名慶趾字徵百

黃成字樹穀

蔣慶錫字簡山寄籍宛平改歸元和官新鄭縣知縣

蔣棠改名廷恩北榜見己卯進士

補乘續編 卷十 舉人

三

嘉慶六年辛酉科解元宜興崔錫華

吳陳世球字漢荀亞元今官來安縣訓導

談晉昌字麗中木瀆人

程晉見乙丑進士

朱穀字貽孫乾隆庚寅舉人邦瑾子

蔡復午字中來乾隆庚辰舉人大鏞姪

沈吳字釋之府學

吳恩韶庠名文來木瀆人見戊辰進士

鄒士麟寄籍宛平見戊辰進士

吳廷華字雲卿乾隆己亥舉人文垣姪北榜官大理寺評事

汪翼鏞 字襄周府學北榜內閣中書

顧寅 北榜見乙丑進士

長洲張汝錫 庠名熙字麟周府學官豐縣教諭

朱臨 字應中府學太常寺博士

孫晉灝 字步瀛祖籍休寧

吳邦選 字舜舉祖籍山陰乾隆己卯舉人鼎科從孫同科舉人邦達弟

吳邦達 字觀欄

王鳳誥 改名鳳韶字廷采甲子舉人庚子今官靖江縣訓導

朱潮 字岷江吳縣木瀆人

周學恭 字貫殊

補乘續編 卷十 舉人

元和戴書源 字濬川乾隆庚子舉人書培弟北榜

嘉慶九年甲子科 解元常州李兆恪

吳沈光泰 字郁文

黃魯溪 字汝楫原籍福建

王毓吳 見辛未進士

蔣元封 見甲戌進士

顧時雷 字夏鳴前明貞孝先生國本七世孫

王庚 庠名彥伯字邦直改字西緯前明文恪公鏊九世孫

孔傳洛 字念芑府學

張邦瑜 字綬綦木瀆人

胡 斌 改名杰號吟舟寄籍大興

金廷對 字聲和乾隆乙未進士朱楣子北榜官望江縣訓導

鄭長錄 東洞庭山人宛平籍見辛未進士

長洲蔣景曾 字遵路乾隆丁酉舉人榮子

韓三泰 字符階文懿公莢五世孫咸安宮教習

徐 頤 見乙丑進士

元和朱 翀 字德輝乾隆庚寅舉人邦瑾姪

陳兆儲 改名春甲見己巳進士

許光俊 字見三祖籍歙縣

蔣 瑛 字英伯己巳進士泰增從姪寄籍宛平太常寺博士

補乘續編 卷十 舉人

嘉慶十二年丁卯科 解元泰州程應佐

吳 沈欽韓 字文起木瀆人

吳慈鶴 見己巳進士

沈 培 改名欽裴字中立乾隆己酉舉人壇弟

董國華 見戊辰進士

陸鳳藻 字丹展乾隆癸卯舉人德愷子北榜

吳信中 北榜見戊辰進士

高翔麟 北榜見戊辰進士

楊 雋 字濟英乾隆壬子舉人土倣子寄籍宛平

長洲陶 樑 北榜見戊辰進士

元和徐香祖

字藹生今署增城縣知縣

嘉慶十三年戊辰

恩科

解元顧元熙

吳董國琛

字珍南同科進士國華弟府學太常寺博士

張茂勳

字子常下場村人

吳廷珍

庠名貞見辛未進士

蔣超曾

北榜見辛未進士

戴葆瑩

北榜見辛未進士

陶文植

寄籍宛平見己巳進士

章巖

號栖漁寄籍杭州

陳澧

號南洲辛酉舉人世球子寄籍北通州

補乘續編

卷十

舉人

吳

王炳

字濟若乾隆丁酉舉人遇亨從孫寄籍順天改歸吳縣

長洲顧元熙

解元見己巳進士

郝掄才

見辛未進士

李清傑

見己巳進士

蔣慶均

府學見甲戌進士

凌晉采

字裴封戊辰進士企曾弟

譚瑞東

府學見己巳進士

顧鳳藻

字舜卿元崑山處士仲瑛七世孫

何覲揚

字對廷己卯舉人之鵬子寄籍大興改歸長洲

元和蔣庭芝

字階五同科舉人慶均從弟

顧廷琥 字用勸前明天啟壬戌進士其國六世孫

顧震 字克威甲子舉人時雷兄

嘉慶十五年庚午科 解元丹徒張深

吳李福 字備之

胡承宗 字允嘉

王兆辰 北榜見丁丑進士

張拜詔 字佩丹 欽賜舉人

邱家燧 字桂山子同科舉人家燦弟 寄籍宛平乾隆乙未進士

邱家燦 字宛平 寄籍宛平

王仲清 字少梁東洞庭山人寄籍大興充景山教習

補乘續編 卷十 舉人

張日景 原名日煊祖籍吳縣今籍貴筑解元見丁丑進士

長洲許大鉉 原名鉅見庚辰進士

吳臻福 字汝膺太常寺博士

毛鼎亨 庠名漢鼎府學見辛未進士

元和陳榮 改名慶恩字峯華已進士春甲從孫

嘉慶十八年癸酉科 解元六合沈巍皆

吳胡國英 見丁丑進士

顧穗林 字耕安乾隆甲辰進士禮琥子北榜

長洲吳肅 字以敬府學

張輝祖 字春巖府學

顧元愷 字輔虞康熙壬辰進士嗣立四世孫

陳世泰 府學見甲戌進士

張中鵠 字建侯北榜

元和尹文潮 字信甫

徐鶴 字立羣乾隆戊子舉人樅子府學

李逢辰 見甲戌進士

嘉慶二十一年丙子科 解元上元林端○是科始增旗生額三名共一百十七名永以為例

吳管英 字俊三

潘曾沂 字企曾乾隆癸丑狀元世恩子內閣中書

周曾毓 府學見己卯進士

補乘續編 卷十 舉人

管汝霖 字輔廷同科舉人英從姪府學

吳慶祺 庠名錫智見庚辰進士

王璨 字亦英

陶惟輝 府學見丁丑進士

陸偉堂 字駿公乾隆戊子舉人敬孫

吳毓金 字位西庚申舉人廷瓚子北榜

孫錫康 字義安北榜

楊際華 改名護春乾隆癸卯舉人一鴻子寄籍閩縣

長洲沈秉鏐 字貢梁丁卯舉人培姪

龔慶 字少山北榜

元和潘奕揆 字端卿

高毓岱 字叔詹乾隆庚寅舉人應龍子

胡希周 府學見庚辰進士

施九苞 字六扶乾隆甲午舉人源子

嘉慶二十三年戊寅 恩科 馮雲路 解元東流

吳 郭繼高 字敬承乾隆壬子舉人輅子

龔惟寶 榜名惟寧字懷仁乾隆丙午舉人淪從姪

何桂馨 見庚辰進士

錢 棠 見己卯進士

毛慶臻 字潤甫府學

孫保安 字穀宜乾隆庚午舉人其武子

補乘續編 卷十 舉人

吳茂蓀 字林臯寄籍北通州

徐 忠 字書城寄籍善化乾隆戊申舉人垣子

長洲蔣國柱 字石臣

彭蘊章 字琮達乾隆丙午舉人希涑子

潘瀛士 字望之

戴壽南 字瑞符崑山人長洲籍辛酉舉人書源子

元和朱駿聲 字通追乾隆壬午舉人煥孫府學

尹 信 字健安

盧毓嵩 見庚辰進士

汪 沂 字學曾乾隆甲戌進士大經從孫北榜

顧懋勳 字印桓雍正壬子副榜祖望曾孫寄籍錢唐充 咸安宮教習

嘉慶二十四年己卯科 解元鎮江嚴保庸

吳 沈沂曾 字宗哲乾隆丁未進士清瑞子亞元

趙文麟 字希萊內閣中書

趙嘉亨 字禮甫

程嶺梅 字開先

陶文澐 字希彥北榜

長洲潘遵禮 字子雅

楊 遂 本姓張字穎生

毛繡虎 字步曹

何之鵬 字名煥治字翔九祖籍紹興長洲泔墅人府學北榜

補乘續編 卷十 舉人 副榜

吳鍾慶 字雲陸辛酉進士頤子北榜

元和蔣庭英 字蘭如己卯進士廷恩從孫

潘 皓 字卿華戊寅舉人瀛士從孫內部員外

顧翔雲 字鳳輝前明貞孝先生國本六世孫北榜

趙光觀 字倬人宛平籍

副榜貢生

乾隆十五年庚午科

吳 殷如松 字岱雲

金朱楫 見乙未進士

王道亨 字行上順天籍官濟寧州知州終益都縣知縣

長洲陳基成 字子瞻官階州州判

張光焯 見丙子舉人

元和沈士駿 見辛巳進士

乾隆十七年壬申 恩科

吳朱煥 見壬午舉人

元和顧學漸 字愈若官浙江布政使

江二儀 榜姓賈北榜見癸酉舉人縣志闕

王立禮 字景獻北榜縣志闕

乾隆十八年癸酉科

元和胡元會 字廷光府學官靈璧縣教諭

補乘續編 卷十一 副榜

陳國枋 寄籍良鄉見丙子舉人縣志闕

乾隆二十一年丙子科

吳劉金省 字惺常東洞庭山人北榜官刑部雲南司主事

長洲陳基德 府學北榜見庚辰舉人

元和鈕翰城 字宗維北榜

乾隆二十四年己卯科 元和志是科止

長洲韓佩祥 字伯慧雍正丙午舉人曾長子府學北榜縣志闕

元和姜晟 北榜見丙戌進士

乾隆二十五年庚辰 恩科

吳談玉珩 字鼎元丁巳進士思永子

長洲陸錫嘉

見壬午舉人

元和張應均

字心傳北榜官西陽州州判

乾隆二十七年壬午科

長洲張定業

字開成己卯舉人定厚從弟府學

元和張應均

北榜再舉

汪際昌

字用賓見甫里志又按題名錄列副榜二十二名或作正榜誤

乾隆三十年乙酉科

長洲志是科止

吳 周日漣

字漪堂北榜

褚廷琛

原名超字漢直改字玉田北榜官壽光縣知縣

長洲沈杲之

字浴鯨府學北榜附見正編父執中傳

補乘續編

卷十

副榜

三

元和陸繼做

字震蛟府學

顧何昌

字旭著前明貞孝先生國本四世孫北榜

乾隆三十三年戊子科

吳 顏紹業

陸鳴梧

北榜見辛卯舉人

元和朱邦瑾

見庚寅舉人

陳 濱

字霖環改名斌北榜

乾隆三十五年庚寅 恩科

吳 王立中

字體

劉敬熙

見癸丑進士

乾隆三十六年辛卯科

吳童士林 庠名志奇
字時行

乾隆三十九年甲午科

吳黃圖新 字聖宗

長洲沈一桂 字冠山

元和顧黃潔 庠名金聲字駿津府學長洲籍後改名以
元和籍天文生順天中式官寧陽縣知縣

乾隆四十二年丁酉科

吳朱濤 字安瀾
木瀆人

李鎮 字安公

陶澎 字象恒
北榜

補乘續編 卷十 副榜

三

乾隆四十四年己亥 恩科

吳劉敬熙 再舉

徐爾 字南河通判

樊有筠 字彰吉

錢廷煇 字藻孺戊午舉
人廷熊從弟

顧泰 字履吉

乾隆四十五年庚子科

長洲吳泰階 北榜見戊
申舉人

乾隆四十八年癸卯科

吳沈奎 字復始康熙己未進士朝初四
世孫北榜官石埭縣教諭有傳

乾隆五十四年己酉科

吳章 驥 字毅亭

元和戴基 字北榜

乾隆五十七年壬子科

吳彭希錢 字承慶雍正壬子副榜廷掄孫

長洲顏紹伊 字北榜

元和劉埈 字秀升吳縣東洞庭山人府學北榜

乾隆五十九年甲寅 恩科

吳汪詒燕 字錫蕃辛巳進士為善姪北榜

長洲彭希曾 字懷南丁卯舉人紹謙第二子官光化縣知縣

補乘續編 卷十 副榜

書

乾隆六十年乙卯 恩科

吳朱棠 字南

長洲李啓潮 字步韓今官定遠縣教諭

元和顧宗柱 字述祖壬申舉人祁子府學

嘉慶三年戊午科

吳申安瀾 字涵

郭文燦 字彬如乾隆壬子舉人輅子

長洲曹烜 字耀祥北榜官豐縣教諭

元和汪星 字咸中今官定武州州判

嘉慶五年庚申 恩科

長洲徐

頌

見乙丑進士

嘉慶六年辛酉科

吳

程世燿

字鳳門

盛朝瑞

字樹勛

嘉慶九年甲子科

長洲王

政

字孝施

嘉慶十二年丁卯科

吳

朱福奎

字雲士東洞庭山人

朱文桓

原名宮珪字德培改字韓棠木瀆人乾隆丁酉副榜濤姪北榜官國子監典籍

長洲蔣國柱

見戊寅舉人

補乘續編

卷十

副榜

壹

嘉慶十三年戊辰

恩科

吳

郭繼高

見戊寅舉人

郭文燦

再舉

王兆辰

北榜見丁丑進士

顧穗林

北榜見癸酉舉人

長洲顧元愷

見癸酉舉人

嘉慶十五年庚午科

吳

鄭

字贊鈞東洞庭山人北榜今官劍川州彌沙井鹽庫大使

嘉慶十八年癸酉科

吳

薛之銘

原名鼎銘字貫中欽賜副榜

蔡士芳 字蘭谷 賜副榜 欽

嘉慶二十一年丙子科

元和盧毓嵩 見庚辰進士

嘉慶二十三年戊寅 恩科

吳 史國英 字豫庭

王 楷 改名承楷 字式之 直澗庭山人 寄籍順天

長洲潘遵禮 見己卯舉人

嘉慶二十四年己卯科

長洲沈傳桂 字閏生

元和顧思度 字詢芳

補乘續編 卷十 副榜 拔貢

美

拔貢生 恩歲貢 俟續補

乾隆十八年癸酉 嗣後定十二年一貢

府學陳基德 長洲人見庚辰舉人

附 王曾翼 吳江人庚辰進士

吳 張書勳 見丙戌進士

附 王文亨 字曳星 寄籍順天丁酉舉人 遇亨兄官黃縣知縣 改溧水縣教諭

長洲褚廷璋 見癸未進士

乾隆三十年乙酉 是年以前任學政李因培奏請每分縣各選拔一名奉 旨依議後不為例

府 朱日望 吳縣人見庚寅舉人

附 唐大成 字晉元 震澤人

吳 孔繼純 字錫周官崇明縣教諭

長洲蔣謝庭 見戊子舉人

元和顧宗泰 見乙未進士

附 莊承錢 寄籍咸寧見丙戌進士

乾隆四十二年丁酉 丙申年先行考試

府 吳人傑 長洲人見嘉慶甲戌進士

周維祺 長洲人見丁未進士

吳 潘元振 見己亥舉人

元和韓 對 字禹三癸卯舉人崧弟今官刑部尙書

乾隆五十四年己酉 戊申年先行考試

補乘續編 卷十 拔貢

三

府 彭蘊琨 字範原元和人乙酉舉人希韓子官石門縣知縣

附 仲振豫 字禹平常熟人

吳 盧元璫 字蘊山官貴池縣知縣

長洲尤維熊 字祖望嘉慶丙辰孝廉方正世補子官蒙自縣知縣

嘉慶六年辛酉 庚申年先行考試

府 嚴兆麒 字恂甫元和人乾隆己亥舉人國華姪早卒以副貢新陽胡靜之充正貢官潛山縣訓導

附 王錫泰 字會亨震澤人庚申舉人

吳 吳信中 見戊辰進士

長洲韓俊杰 字克三文懿公葵五世孫今官禮部主事

附 黃 琮 字方侯長洲人休寧籍乾隆辛卯狀元軒子

嘉慶十八年癸酉 壬申年先行考試

府 胡 勳 原名應清字寅伯長洲人

鄒如雷 字震蕃長洲人乾隆庚午舉人灑從姪官銅陵縣教諭

吳 陸偉堂 見丙子舉人

元和李逢辰 見甲戌進士

附雅志副榜補遺 餘見正編

朱章華 本姓程字亦增吳縣人

江 鴻 字 吳縣人官建德縣教諭以上俱乾隆元年順天副榜

李復泌 字 吳縣人乾隆三年順天副榜官貴州州同

何爾昌 吳縣人見庚午舉人

補乘續編 卷十 拔貢 副榜補遺 武科 五

顧義山 庠姓金字玉溪吳縣人雍正壬子副榜祖望長子官國史館校理

王志仁 字安士長洲人見壬申舉人以上三人俱乾隆六年順天副榜

武科

進士

乾隆十三年戊辰張兆璠榜

吳 許見龍 戊午舉人見雅志

舉人

乾隆十七年壬申科 解元松江陳王謨

孟來晉

李 二人皆郡城人縣未詳

乾隆二十七年壬午科

吳葉溥 字博施東洞庭山人浙江籍

乾隆四十四年己亥 恩科 解元廬州夏廷標

劉廷錫 府學縣未詳

長洲李雲會

吳繪

奚錦璽 字玉符科未詳姑附于此

乾隆四十五年庚子科

吳徐霆龍 字景天官社壇汛千總

沈裕仁

補乘續編 卷十 武科

長洲樓愷

乾隆四十八年癸卯科

元和嚴琳 字瞻洪

彭紹芳

乾隆五十三年戊申科 解元六安州徐天弼

吳奚秉剛 字君由錦璽子

乾隆五十四年己酉科 解元徐州王天秩

長洲張士傑

濮宗滂 府學

乾隆六十年乙卯科 解元如皋韓建

長洲徐長慶
字有章府
學衛守備

補乘續編 卷十

武科

卒

人物

邱存禮字怡喬長洲人

府志附程文煥傳未載事實

世居唯亭山後徙中營基巷

今分隸元和

父承周諸生有文行存禮四歲失怙既長事母盧甘脆無

缺自食粗糲或不飽終不令母知母邁危疾倉皇出迎醫拾遺金

臯橋畔待失金者至還之而母疾一藥愈迨母彌留目不曉衣不

解者匝月及其沒也哀毀苦次者逾年將葬柩出胥江遇風幾覆

躍浪扶舟風頓息既葬廬墓三年康熙十三年卒私諡端孝進士

廷瀾庭濠舉人庭澍皆其後也

葉方藹墓碣湯萬煌等請旌事實合纂

張震維吳縣人康熙二十年知河南邳縣縣多水患震維設法開渠

疏通淤滯遂成膏壤豫省當鼎革後刁民墾上則地納下則糧中

補乘續編

卷十

人物

六十一

下地棄不耕由是荒地多而賦額不足震維請諸巡撫奏聞暫

就下則輸糧三年俟通省成熟再別三則定賦不數年開墾八十

餘頃後崇祀名宦

邳縣志

張叔琳長洲人由明經司鐸蕪湖陞靖安縣知縣為政七年自毀其

家代貧民納賦琴堂無追比聲歸田之日僅存舊書百卷英石一

架邑人立張公遺愛祠祀之

南昌府志

邱國浩字禹階東洞庭山漾橋人宋文定公密之後天性孝友持躬

謙抑治事悉有條理中年抱病無復四方志靜攝斗室藥裏詩囊

周旋晨夕世俗聲伎佚遊之好一無所與而於宋儒性理諸書沈

潛往復身體而力行之非僅習講學家言子二賡熙之椿賡熙自



有傳 足徵集
參家譜

邱賡熙字南懷號悔齋東洞庭山人父國浩自有傳賡熙生而穎異讀書曉大義善屬文從全椒葉昆裕遊昆裕奇賞之補吳邑博士弟子員試輒高等食上餼乾隆元年貢成均賡熙孝友天植少遭母喪終身哀慕弟沒撫其孤如所生又輯家乘建宗祠拳拳于一本之誼尤喜獎引後進問字者率成名士子三觀覺觀觀字麗邠府學諸生詩文超拔有父風觀字資宣邑諸生好古篤志能文工詩惜不永年其族又有時學民鋹者時學字忱所有焚筆詩爲世所傳民鋹字韞章孝友溫恭生平無疾言遠色晚年與方外唱和時有悟入處皆康熙間人與賡熙分擅詩文之譽 足徵集家譜合纂

補乘續編 卷十 人物

六二

葉長揚字爾祥號定湖吳縣人康熙五十七年進士翰林院編修乾隆元年內閣學士伊爾敦以博學鴻詞薦報罷長揚爲葉燮門下士與沈文愨公同請業于二棄草堂稱高第弟子吳門同時薦舉者長洲沈虹字衛梁號蓬莊雍正四年舉人句容縣教諭由巡撫高其倬薦放歸虹學問博洽工于詩嘗自編所作名曰蓬莊詩鈔以先後爲次每卷皆有自序紀其遭逢閱歷吳縣陸枚字實君諸生擅雅材工詩詞少遊京師與索檢討秦查解元爲仁周茂才炎王孝廉霖結社賦詩甚有時名由詹事王奕清薦罷歸以歲貢終

鶴徵
錄

習齋字載展號謚齋又號護芸長洲人世居江西之新淦明初始遷

于吳康熙五十七年進士改庶吉士陞編修充湖南學政時院中新設吏額爭以重利購之寯曰彼以賄進能禁其貪乎拒弗納布政使宋稚佳聞而稱賞五遷至少詹事告歸寯檢飭言行動可師法教授生徒成材者衆彭尙書啓豐韓洗馬彥曾皆傳經弟子歸田後主普濟堂白陳巡撫大受增置沙田千餘畝至今賴之知府雅爾哈善開局纂修府志寯與邵泰蔣恭棐王峻爲總裁書成世稱善本乾隆二十八年卒年八十五

宋邦綏字逸才號況梅長洲人編修照子乾隆二年成進士改庶吉士授編修累官四川兵備道再署藩臬恤冤獄振廢滯懲囑嚙勸農桑忠州奸民陳昆等鈎石砧土司謀不軌相機窮治改土歸流

補乘續編

卷十

人物

奎

二遷至廣東布政使嚴保甲懲游民一境帖然調山西有介休縣土豪郝士雄等爲鄉里害遣能吏一大創之後陞廣西巡撫小鎮安有竄入界內匪徒張几良等四十二人命文武吏擒渠魁殲之外藩益畏服官終吏部侍郎

蔣復字象新吳縣包山人先世自義興遷蘇州復少孤以行賈致富乾隆二十年歲大荒復出粟二百四十石與諸富人哀積萬餘石自賑其鄉不領于官山中三萬戶無一人餓死者大吏以

賜九品章服

余蕭客字仲林一字古農長洲人布衣生五歲母顏授經書夜則課以文選年十五通九經尤耽古籍聞有異書必借鈔手輯注雅別

鈔專攻陸佃蔡卞之失就質惠棟棟曰陸蔡乃安石新學不足辨
凡論著當務其大者蕭客遂請爲弟子同邑朱奐藏書甲吳中館
之滋蘭堂因得博覽羣書手一編常終夜不寢遂患目搆一室無
窗戶上穴一方以通天光設備几周室書冊鱗比潛心研究嘗慨
漢唐諸儒舊注多散佚迺會萃各家輯古經解鈎沈書成告祀先
聖總督方觀成聘修畿輔水利志聞至京師與朱筠紀昀善咸稱
其學在王應麟顧炎武間因目疾劇薦休寧戴震踵成之南歸時
吳中以經義相論難者有汪元亮彭紹升汪縉薛起鳳蕭客上下
議論風發泉湧起鳳曰鬼谷子從橫家舌鋒不可當也蕭客貌寢
如世傳鬼谷子故云乾隆四十三年卒無子元亮字明之號竹香
起鳳正編自有傳

補乘續編

卷十

人物

畚

長洲人乾隆二十七年舉人性狂易汎覽羣籍尤精經史紹升縉

張光焯字南吉號命山長洲人父映葵由拔貢生官天長教諭見郡

邑志

乾隆十七年崇祀鄉賢志失載

光焯少孤篤志勵學乾隆二十一年中順天

鄉舉爲人慷慨仗義急人之急如己之急不以艱阻辭同年陳基
德坐事繫獄罪在出入間力營脫之韓佩祥被人波累惶惶待罪
助之申辨竟得免故人奚寅貧乏不能應順天試資之入場得中
南元成進士元和令黃侯秉經舊友也代揭債千金補公帑及卒
子幼囊空不克償慨然鬻產代償之其他利濟事瑣碎不勝載尤
樂造就英俊如黃良棟潘凱辛開一皆出自門墻顯名當世四十

二年選婺源教諭未抵任卒年七十有一子三鳳翼鳳翔鳳翽鳳翼自有傳

蔣重光字子宣號辛齋吳縣人諸生性明敏受業沈文愨公門下所交都當世知名士喜讀書病後猶令其僕持書臥而仰讀之更僕三四不少輟每作詩文腹稿成輒令其子書之不加點尤喜購求典籍賦琴棋中所藏多宋元善本乾隆三十七年下詔求遺書時重光已卒子曾榮進呈家藏百種特賜佩文韻府一部又賜御製七言詩一章御書別紙冠于所進職官分紀之首因建賜書樓於塔影園中敬謹藏貯子孫傳爲世守云

江瑤字凌蒼蒼元和人福寧知府琅從弟任乾州巡檢乾隆六十年二

補乘續編

卷十

人物

奎

月苗人叛與守城同知宋汝椿同日殉難子朝棟從死事聞恩卹如制嗣孫啟瑞子雲騎尉世職

姜晟字光宇號杜薌元和人前明給事中琛四世孫家赤貧忍饑勵學乾隆三十一年成進士除刑部安徽司主事晟以獄訟爲人命所關料檢案牘悉心研究遂爲當時熟悉刑名第一人累遷刑部右侍郎南宮縣魏玉凱訟李存仁等不法事晟知存仁被誣釋之襄陽縣徐萬全爲王子潮所殺其弟舍有罪陷無辜晟爲閱實平反代州人有鬪毆死者已坐孟木成故殺矣晟驗尸骨寃之出其死授湖南巡撫芷江縣有盜餉事案久懸晟至輒獲盜首及原贓案始定晟前後奉命讞獄不下二十餘役無不詳慎平允爲

上倚畀六十年貴州苗人石柳鄧作亂湖南永綏廳石三保者柳鄧黨也聚衆應之晟聞變馳至辰州辰州當寇衝正擾攘晟撫慰百姓戒勿竄擒間謀十九人竿其首城上擒楊國安父子獻之京又擒吳老吉等立磔之時賊鋒熾甚晟靜鎮辰州鎮筸間遏其衝使不得橫壘奉 恩旨獎勵 賞戴花翎嘉慶二年事平加太子少保時教匪蔓延旁近相機撫勦勢少殺五年陞湖廣總督調直隸後以四品銜休致十五年卒年八十一

范宏瀾字綏潮吳縣人諸生性不苟取嘗納漕米十三石收者誤爲二十三隨繳稟改正平生清修厚德鄉里稱爲長者子來宗自有傳

補乘續編 卷十 人物

奕

張鳳翼字儀廷號芝岡長洲人婺源教諭光焯子乾隆四十六年成進士例得知縣樂成先志就教職任太平府教授深得士心丁母憂歸踵門求教者日益盛造就人材甚衆所選制藝遠近學者奉爲圭臬子惇五孫士垣士墉俱諸生有文行

韓豐字賓于又村其別號也文懿公莢四世孫長洲諸生性正直恬淡有古君子風家貧老屋半椽頽牀破甑苔盈牆草盈室怡然有自得之趣一生酷嗜臨池得顏忠烈三昧片紙尺幅人爭寶之壯歲喪妻不再娶乾隆十七年弟室火突煙燄負祖母顧出人尤以爲難子穀庭官陝西紫陽簿就養于任族兄詩字嬰傳能書泰來字開土工詩

尤世楠字文叔號藹谷元和人北田先生怡之孫子山先生巨源之子性和粹躬門內之行嘗謂其子曰人之有祖先猶木之有根本不敬祖先是爲忘本安有離根之木而能榮長者又謂門弟子曰學者離卻主敬存誠四字更從何處著力其他訓迪語繁沓不勝載詩承家學五言古體有沖淡自得之趣尤工制藝清真雅正先民是則試輒冠其儕輩一時問字者屢滿戶外乾隆五十年貢成均嘉慶元年舉孝廉方正 授六品銜子三維熊錫熊光熊維熊乾隆五十四年拔貢生官雲南蒙自縣知縣能詩

韓是升字東生號旭亭元和人前明貞文先生馨曾孫好讀書補吳縣學生鄉試五薦不售歷主金臺陽羨當湖書院取士不隨當事

補乘續編

卷十

人物

七

意尤力內行牒部建貞文先生專祠其家大宗祠墮亦爲構屋落伽菴俾勿墜祀侍郎世能賜塋沒于他告官贖還并置田焉又買地盤門爲族冢拓其故所有祀田爲五百畝以贍族先是官收道殣胥吏百計索錢至有破家者是升告諸官而除之生平喜爲詩所著洽隱園叢稿藏於家聽鐘樓詩十卷行於世嘉慶二十一年卒年八十二子七崧乾隆四十八年舉人崧四十二年拔貢生今

官刑部尙書

王芭孫
誌墓

范來宗字翰尊號芝巖吳縣人文正公二十四世孫乾隆四十年進士官至翰林院編修告歸時義莊有積逋歲所入不敷所給族人雜來宗統族力整頓清宿負增置田一千八百餘畝廩屋萬金生

息銀萬金每戶加給米三斗共成一石喪葬助恤考費倍加又新廟貌築墓門百廢具舉義莊衰而復振者來宗之力也詩宗石湖派語近情遙耐人尋味年至八十一始卒

吳文垣字觀薇號符階吳縣人祖籍休寧乾隆四十四年順天鄉試亞魁官內閣中書兼管稽察房事夙夜勤敏周給閭中咸倚重之尋以病歸文垣性孝友尤能急人之困乙巳吳中旱助賑數千緡甲子潦平糶煮賑畧如前隣里忘歉歲焉歸田後屢欲建義莊會以事阻不果既沒諸子奉遺命成之蔡鴻臚之定撰傳吳太守雲誌墓

沈奎字復始一字見亭元和人乾隆四十八年順天副榜歷官石埭

補乘續編 卷十 人物

癸

縣教諭績學好古貫串羣籍而尤致力於詩為人豪宕自喜有傲睨一世之概凡酒邊燈下喜笑怒罵脫口無非佳句不待勞箋分韻鬚斷唸安也吳縣知縣唐侯仲冕極賞其桃花菴詩詩見正統編祠廟

為諸名士弁冕生平所作積至七千餘首無子病酒而亡家人以

全稿納諸棺世所傳者吉光片羽耳題錢止菴姻丈栢靈圖服食求神仙此事古人誤右粥而

左籛吾日行吾素石髓不能求杞犬形可怖何如栢實鮮樹下靈芝附層層百丈巖青翠疑無路徑絕風雲通溪迴畧約渡何處放蜻蜒筐中五色露米家書畫船天隨杞菊賦先生實兼之中抱烟霞痼子也少追隨往事猶堪數祝嘏每飛鷗看花同覓句苦心山水編餘事盡魚註俯仰二十年鷓鴣凡幾度當時最少年頭顱已非故重瞻丈人行巖巖歲寒樹膝下抱曾孫芝田雨露護錢鏐有家傳鼻祖雲仍耐題錢香旌表兄觀獲圖六枳籬芭地百弓稻花香送款南東村夫子拙舞如我農丈人間定屬公其一角逐名場兩少年相看華髮未盈顛量晴較兩神仙福何日歸謀二頃田其二

彭希洛字景川號瑤圃又號簡緣長洲人尙書啓豐孫乾隆五十二年成進士除兵部主事累遷福建道監察御史時值清理漕弊希洛以地丁折交錢文易受吏胥愚弄請照報部以錢易銀時價先期出示聽民兩便又以督撫勒屬告病州縣誣盜爲竊爲外省積弊臚列入奏奉 旨該御史所奏俱係切中時弊通行各省著爲令嘉慶五年丁內艱歸不復出希洛勇於爲善爲族叔佑人立後割己田十畝與之族黨有告急者應之惟恐人知八年米價騰貴首唱平糶九年大水饑民肆掠復唱平糶代償育嬰堂通稅二千兩復添設米漿以補乳食之不足年饑織工多廢業至有投水者戶給錢米濟之設局近取堂施棺施衣凡有求無弗應應之如不

補乘續編

卷十

人物

九

及卒之日遠近多聞而泣者子蘊輝嘉慶四年進士翰林院編修亦好善早卒

王丙字繩孫號樸莊吳縣人貢生幼而穎異讀書無所不通稍稍馳逐名場不稱意輒棄去隱於醫以濟物遂以明經終遺書十餘種皆苦思力索洞精物理獨抒所得成一家言嘗曰今學者動稱康成吾則求吾之所是而已不必附和康成也其書詳見藝文

王芑孫字念豐號惕甫長洲人乾隆五十三年 召試舉人厯官江都華亭教諭詩癯然以瘦憂然以清亦續密以粟上溯杜韓而實出入於郊島間在京師與法式善何道生張問陶楊芳燦諸名流琴歌酒賦故爲南北時望所推

王昶湖
湖詩傳

蔣華字豹文元和人貢生嘉慶元年長元學宮將圯華與郭觀察廷贊張廣文鳳翼等醵資重葺三年乃竣復創舉惜字灑埽會移建王仁孝祠增建矯文獻祠重修名宦鄉賢祠逐船埠復舊衙學中事事整飭華之力居多焉友教一方從遊日盛潘尙書世恩亦嘗執贄門牆孫庭英嘉慶二十四年舉人

吳鐘已載正編茲錄其言之深切于人堪爲炯戒者嘗謂門弟子曰推求六書之義口過不可不慎善字過字並從口積善惟口怙過亦惟口也吉祥之吉悔吝之吝及禍福二字亦皆從口天之殃慶口所召也推讓之讓爭競之競讓之極爲和同競之極成獄訟無一不從口人之爭讓口所致也爾小子可不慎諸又曰凡出一言

補乘續編

卷十

人物

七

而闕堂者必非忠厚之言試思悅人之耳增己之孽其意何取又曰富貴爲禍福關頭得福在此得禍亦在此讀書人當以植品爲第一勿以功名富貴爲念又曰人無盛名未必無德卽如吾里沈君國柱事親孝讓產于兄弟後兄弟貧仍以已所積與之亦可爲不孝不弟考勸

沈春涵字亦滌號此山吳中隱君子也少孤奉其母居於婁江之上時人莫能知也好讀書有沈冥之思偶嗜古研佳者藏數枚所居有竹數百竿名其室曰竹讓日嘯咏其間灑如也陶子鳧蘓嘗訪之寫圖賦詩一時傳爲韻事性疎爽言詞抗厲嘗曰人之初念未有不善者也一轉移間失其本心者多矣古來忠臣義士卓立於

天地之間者皆不失最初之一念者也。已而好佛乘修淨土與朋友清談終日不倦。時或訪名僧尋古蹟遊於城市不見其為城市也。遊於山林不見其為山林也。翛然自得夙習刊落殆盡矣。詩極工畫亦有致然疎懶不多作。作則隨手棄去。卒年五十有二。無子。

以姪為子

顧承
撰傳

補乘續編

卷十

人物

三

藝術 未排次

陸紹曾字觀夫號白齋吳縣人隸書嚴整若軍陣於漢唐古碑攷索最精故點畫具有來歷山陰童鈺贈以詩云捨身峰頂搜殘碣減食囊中買僻書奇字須探揚子後古文要返伏生初惜所著古碑攷已佚

李秉德字蕙紉號涪江其先本遂寧人五世祖實令元和見志名宦棄官

隱葑門外上清港遂家焉秉德善畫以諸生供奉 內廷議敘鹽大使引疾歸築別業於支碧山麓與諸耆宿詩酒往還極嘯傲湖山之樂畫工山水尤善花鳥非素心人不輕與尺幅

顧崧字嵩庭吳縣人隱於市畫學南田花卉翎毛種種佳妙詩亦有

補乘續編 卷十 藝術

三

畫意著有一粟廬吟艸

鄭鑿字照山長洲人世習帶下醫門前壘石爲山故世以山爲號五世祖欽論字三山見雅志父開山崇祀三皇廟鑿孤苦力學精醫術乾隆二十一年吳中大疫郡守趙侯酉設局施藥延名醫療治鑿所治無不立效由是名譽日起子鴻源字載山亦精父業

邱聲振字旦華吳縣東洞庭山人神於卜官建陽巡檢時臺灣林爽文作亂大將軍福公康安奉 命征之聞聲振名命卜爽文斷以某月某日就擒果驗又命卜黨羽莊大田陳泮亦及期而獲不爽辱刻大將軍悅甚稱之曰邱神仙欲削簡薦之固辭以巡檢終

流寓

黃子雲字士龍號野鴻自崑山之真義僑寓吳縣蘆村遂家焉詩雄渾沈著專以少陵爲宗康熙五十五年開圖書集成館總裁陳夢雷聞子雲名招共纂修因渡江得句云一江風浪裡百代是非間爲夢雷稱賞五十八年隨冊使徐葆光冊封琉球著麻力歎等篇與葆光中山傳信錄並行于世乾隆元年中丞高晉將舉博學鴻詞物色之子雲堅不應姊婿鄒世楠夢孟子廟兩楹大書戰國風趨下斯文日再中十字覺而知爲子雲詩殆見賞幽冥吳中詩人橫山葉燮後一人而已

訂正前編

張鳳孫字少儀華亭人來徙郡城薛家弄雍正十年由原籍中副榜

補乘續編

卷十

流寓

三

乾隆元年江蘇巡撫高其倬以鴻博薦報罷九年復中副榜十四年詔舉經學大學士張允隨貴州巡撫愛必達交薦之十六年廷試被黜鳳孫性極真摯詩辭秀麗凌轅一時父之瑣任貴州印江令以負帑下獄鳳孫急父難走萬里之京師徧貸于親知卒得論出一時有三子之稱謂公子才子孝子也後官貴州貴定知

縣歷陞陝西糧儲道告歸

詞科掌錄鶴徵錄合纂

錢大昕字曉徵號竹汀嘉定人聰穎非常髫卯時卽有神童之譽乾隆十六年召試賜內閣中書十九年成進士官至少詹事大昕覃研經史根柢精深詩賦之外究心數理精蘊歷象考成能通中西之學自廣東學政銜恤歸家有終焉之志歷主書院而於紫

陽最久詩清而能醇質而有法古體文以震川為歸湖海詩傳

錢瑄字凌霄號鹿泉又自號梅花和尚越人慕遊於蜀既而謝去子

身抵吳門工六書善畫梅興酣落筆踈密有致貌清癯修髯過腹

與之言議論風生遇知己終日豪飲未嘗醉無事則閱金經持佛

號而已嘉慶己卯七月忽集莫逆友謂曰身後事惟諸君是賴翌

日遂合掌瞑目而逝春秋六十有五同人為具棺斂葬于虎邱之

生壙檢其篋有自撰輓聯曰槐夢醒時成大覺梅花香裡證無生

見者莫不歎異張敦五撰傳

列女 未排次

吳氏江大楷妻長洲人夫亡媳兼子職翁病篤衣不解帶者四十日姑患頭風醫禱備至又患隔氣虔禱家祠願以身代家人竊聽告姑姑曰有媳如此吾無憾矣乾隆五十九年旌嗣子名元燾

錢廷烈妻席氏廷烈字揚武吳縣橫金人早卒氏年二十三守志不渝無子以廷揆子雲士為子雲士吳庠生屢欲請旌限于力不果

沙貞女者吳縣學生安易孫女也名淑英字端賢年十四許字潘宗曜閱四年未婚而潘卒女聞訃矢志守貞遂歸潘性貞靜居幃守志足不踰閫戚屬罕見其面事姑韓謹歷十二年韓卒哭之慟又

六年以夫姪紹起為嗣撫之慈延名師課讀娶媳張生孫三子媳

補乘續編 卷十 列女

七

先後卒幼孫亦殤龜勉撫兩孫成立守節六十一年生於雍正五年卒於嘉慶九年

吳氏名醫正功孫女知書明大義適長洲臨頓里汪耀章甫三載而耀章亡家貧守志孝養翁姑嘉慶十二年十二月十八日夜鄰火

及其廬姑有痼疾久滯牀蓐氏亟以幼女授翁使避去即奮身冒火登樓力抱其姑而下火已熾甚遂俱死後出其尸灰燼中兩臂

猶作抱持狀時氏年二十八十五年旌 馮培抱姑行嘻嘻出出欲

在室一解姑病高樓其腹如鼓奄奄牀簣步不能舉推燒雜拉兮柰何許二解提一女手付翁速避烈燄隣之東翻身樓下火已紅三解生俱生死俱死棄姑獨全義不忍為此抱姑冒火同盡爾身成灰心似鐵死猶抱姑不可脫四解昔未殉夫為養姑今殉

姑兮下報其夫吁嗟乎節孝可以興頑愚五解

貞女王素字瓊章吳縣人父敏齋遠出母吳氏病危素日夕奉侍湯藥衣不解帶母臨終囑女善撫兩弱弟女承母命不少怠父歸兩目已盲又旋得癱瘓症百計求醫罔效臥床六年女起臥扶持始終如一父歿代弟治喪哀戚如禮為弟鏡湖娶丁氏後鏡湖受人污讟暴卒子如松哭父自盡妻丁氏慟夫致病亦卒素慘痛支持無缺禮營葬三棺撫教兩姪俱以一身任之嘉慶十年旌至二十年年八十一卒

江上封妻宋氏住吳縣仙人塘夫業耕家極貧姑前沒氏孝事盲翁歷四年不倦年二十三夫與翁先後卒時夫兩弟皆幼氏長之三棺未入土氏買地五分葬之皆出紡績貲也小姑適朱銓亦早寡

補乘續編

卷十

列女

七

六

與宋同居勵志人稱姑嫂雙節

錢莖字德柔吳縣浦莊人娶楊氏三載而莖卒氏年纔二十四家極貧止一女甫四月姑七十一以哭子成疾至明年卒女至十歲亦殤於痘益孤苦孑然一身始依兄嫂後依夫姪聲雷被盜衣篋如洗冬日墮河幾死一生歷盡坎坷至老兩目盡盲其始寡也里中惡少艷其色夜踰垣入氏狂叫遂不敢犯

盧氏李天瑞妻吳縣長船灣人事病姑孝夫病瘵恐傷姑心不使姑知夫亡姑知之病轉劇氏惶遽割股和藥以進得少差至明年竟卒氏一慟幾絕

張氏潘奕大妻住吳縣黃鸝坊橋年二十五夫故越三年姑沒及子



福東有贈號本
自造選料加重
毛太剛破毛示

世承授室不一月而翁卒不三月而世承亦卒夫故時世承未及
晬至是年十有九矣氏哭之慟居無何媳以哭夫繼卒夫弟以驚
痛亦遽卒連遭六喪淚眼爲枯殯殮營葬盡禮盡哀里黨賢之

葛素紈元和人心田女心田操行端慤素紈仰承庭訓溫柔貞靜年
二十歸陳鶴齡爲吳縣諸生元泰之子翁前卒事孀姑張曲盡婦
道鶴齡以家貧不能償父債憂愁成血症卒距結褵時祇十有六
月耳素紈時年二十二方懷妊號慟覓死不得間是歲九月遺腹
生子厚載至七歲又卒家益落常至日昃斷炊絕不介意

監生徐景達字因中大司寇乾學之後自崑山遷于郡城丁香里早
卒妻邵氏媳代子職母兼父道後連翁姑之喪繼以兩子兩媳哀

補乘續編

卷十

列女

七

勞交并驟得咯血證遂不起子寶穀寶心前卒

施景達妻顧氏長洲顏家巷人年十八適施施卽於是年卒家貧無
子族無可嗣姑老視媳如女媳亦事姑如母人兩賢之

江玉吳縣人孝廉方正聲之孫女也許字同郡張文藻文藻遭疾卒
玉請于祖若父母白已守貞志遂適張氏奉舅姑撫小叔及小姑
家門多艱藉以克濟晚悟無常日有淨課喜贖生命旣卒叔乃規
爲之請旌

甯氏陳信妻吳縣角里村人信力農早卒無子女族屬羣不逞知氏
孤且少逼使改嫁冀瓜分財禮氏矢志不從屢爲強暴所挫不得
已赴愬田主姚倦菴倦憫而留之并爲禦侮氏感庇護恩竭忠

以報遂終于姚氏夫亡時氏纔二十八至是已八十五矣姚氏爲具棺殮葬于虎邱金雞墩

顏端君婺源教諭長洲張光焯室也性喜吟咏秋日母病不得歸寧賦詩云安得身輕如落葉隨風飛到北堂前乾隆丙辰夫下第遊如臯寄詩以慰有棘闈守暖秋風冷暫抑辰元作午元之句一時傳誦乾隆丙寅春夢中自咏云欲了未了未了已了沈思未屬旁有一女翠袖廣裾續其下云一曲鸞歌蓬萊春曉覺而惡之尋卒卒時自以閨房兒女之詞不可示外人遂以詩稿付諸火人皆惜之女

監生吳壑妻王氏長洲人壑卒遺孤鏞僅五歲家貧拮据萬狀舅沒

補乘續編 卷十 列女

矣

姑病篤壁鄰火氏默禱遂熄已方病瘳侍姑疾不敢卽安姑沒哀毀得肝逆症未幾卒嘉慶二十三年旌

誥封孺人張氏元和人宋柔遠之室靖江教諭宋流炳之母也孺人本湖州望族知書明禮有宣文君風範家貧少寡茹荼厲志姑癰瘼晝夜侍奉湯藥至足腫不能行立未嘗言苦撫教一子二女井井有法度晚歲就養靖江官署年七十八卒嘉慶十二年旌

邱光照妻金氏東洞庭山人光照病卒氏厲志守節得旌建坊金塔村從祀節烈祠旌年俟考

邱在遐字陟山東洞庭山人能文年二十五卒妻金氏守節撫孤以終

王氏女吳縣洞庭山人流寓長沙有姿色父母欲買作顯者妾女不從日加鞭扑遂自縊攸縣陳圭弔之以詩其詩曰石可轉山可移王氏女真男兒心如生鐵不可屈吳人楚人都未知羞作顯者妾寧爲窶人妻毀粧對媒如爾復來何爲可憐父母胡不慈祇矜女之容顏能居貨市奇不思女之十指能禦凶年饑泉刀不入手忍心鞭扑之皮膚碎裂血肉淋漓聞者髮豎咸呼噫誰謂荼苦其甘如飴誰謂死不樂勝於生多悲誰謂小女家自賤肯事折節梯榮之鬚眉畢命青絲繩破屋四壁風淒淒夜來山鬼門外嘯一片香魂何處來

吳節婦郡城人太學生吳亮采女適諸生何起龍起龍有羸疾未嘗同衾枕甫半載卒節婦斷髮求死不得聞姑繼沒死志愈決夫弟虎占敬且勸乃止乾隆三十九年布政使增公給額曰柏茂松貞國學生高宮妻褚氏吳縣人苦節撫孤長齋四十餘年族黨推重兄廷璋爲立傳

補乘續編

卷十

列女

七九

王烈女長洲人楠選女幼字伊廷新及長昏有日矣而伊病瘵死女欲往守貞家人止之不聽告之姑姑不可女曰死吾分也所以不卽死者欲一入伊氏門耳吾志決其可奪乎姑義其言迎之至則以首觸棺而哭日夜不絕聲面目灰敗及夫葬乃縊時道光元年十二月二十三日也年二十七畱書告家人明不死之有待且白身死之無他云

吳懋莖聘室錢貞女長洲人年二十四守貞嗣子名志倫
誥封恭人吳縣朱竹庭妻張氏乾隆五年旌

張登第妻陸氏長洲人年二十三寡矢志守節事祖翁暨翁姑以孝聞子正訪元和 恩貢生文行卓然母教也嘉慶五年旌

正編康熙初申

順天舉人之張
登第別是一人

吳文熾妻王氏吳縣人文熾以勤學成癩疾結禡纜一載而歿氏年二十厲志堅貞無子嗣子名臻慶嘉慶十八年旌

唐仲冕壽吳節母五旬望族延陵甲第聯芳徽林下自翛然玉臺品藻梁家擅紗幔聲名孟氏賢別鶴離鸞成小劫哀絲苦竹感中年欣逢大行符仁壽綽楔 綸言下 日邊

顧貞女長洲吳見龍聘妻也聞夫訃累日不食家人強之食泣曰吾身已許吳願得歸而終守之遂從其志事育盡孝慈績麻率至夜分自奉薄祭祀婚娶無關禮嗣子元祐將以狀上大吏力拒之曰吾豈為名哉年八十七卒時為嘉慶五年至明年旌建坊長洲縣亭一畫花橋巷

補乘續編 卷十 列女

全

錢氏吳縣黃蘆村人夫徐大業農病亡氏年才二十三耳而翁昭乃瞽者或勸之嫁曰翁如此何忍離及翁死又勸之曰將就木焉用嫁無子傭于東山席氏終其身無二志嘉慶四年卒

沈鳴岐妻顧氏元和人少寡勸之嫁不應迫之則攜子女而哭于夫之墓人卒無如之何夫故力農既卒耕不輟習勞苦如甘飴貞節出自田家人尤以為難

徐鑽妻何氏元和人鑽旌表孝子炯之孫早卒何年二十三守節至道光元年旌

樂亭縣知縣張景崧妾毆氏吳縣人年二十三景崧卒於官氏矢志守節卒年八十一時乾隆四十三年

長洲諸生張應詔妾陳氏

施軼凡聘妻蔣貞女吳縣人長沙府知府曾忻妹

誥封恭人錢氏 國史館校理吳縣顧義山之室左江兵備道葵之

母也義山中乾隆六年副車年僅二十三卒恭人本錫山望族盛

年厲節教子葵成名後葵任左江觀察以公事驟亡于道恭人聞

變驚慟未幾卒于署乾隆五十年旌義山弟元鳳亦早卒妻靜氏

與錢氏同居厲志人稱妯娌雙節

侍郎錢榮季女守貞事已載正編茲錄其未盡者貞女名淑字冰如

舅王遇亨官平陽同知嘉慶七年秋邁疾危甚貞女割股以進得

愈錢榮聽竹園序余季女淑字冰如幼許字同邑王杜胥之子利謙聰穎能文甫及冠未婚而夭女年二十間耗一慟幾絕即毀

補乘續編 卷十 列女

全

粧欲往歸時杜胥分守東昌道遠未得驟赴親串中相為解釋志弗移余憐其志之苦且堅也告之杜胥迎諸歸瀕行泣辭曰女命寔應爾母傷懷箱篋中但攜女孝經古列女傳匍匐逕去于今三年矣昨冬手織一函並附五言絕于後有夜來風雪裡聽得竹聲寒之句女素不習韻語略解章句而已自歸太原撫嗣息纔五齡朝夕課以四子書及古唐詩繇是漸曉吟咏今秋杜胥以丁艱服闋自里門來京謁選言女性耽靜終日坐牕竹間悠然自適雖飲冰茹蘗不為苦也因取來詩意境寫聽竹圖以存其概易曰苦節又曰甘節節苦而甘焉斯安之矣余懷不亦慰矣夫湘船榮記

金節婦吳縣木排村人適浦莊農家錢文達文達亡茹荼守志子明

高早卒媳亦死祇存孤孫士榮常傭于外年逾七十邁疾久臥思

食魚苦乏錢孫媳浦浙米小浜忽有鯛魚躍入筐內權之得二觔

許烹以進病若失未幾士榮又于小浜獲三觔許鯉魚一尾氏食

之精神愈矍鑠人以爲苦節所感自年二十五守節至八十二始

卒

錢氏吳縣浦莊人長發女年十九適橫金袁孔音纔一年而寡苦志厲節撫教遺腹子裕康已授室抱孫矣數年中子媳孫三人相繼而亡孑然一身績麻爲活沒後以姪明揚爲嗣

錢氏吳縣浦莊人許字孫家橋畢天錫天錫素病瘵結禱有日矣而疾益篤氏父母欲遲其期氏曰命應寡將焉逃也嫁十五日而寡年祇二十五節厲冰霜志堅鐵石事姑周氏敬養備至嗣子拱宸吳學祖妻宋氏吳縣人太平府通判有元季女夫歿氏年二十一止一女誓以身殉父兄婉諭乃止時兩代四匱未入土氏節衣減食積貲買地營葬盡禮嘉慶三年旌建坊瑞光寺西

補乘績編

卷十

列女

全

江貞女仁和人守備煜女許字長洲顧炯炯殤時貞女年十三隨侍父荊州任聞訃毀容茹素誓欲歸顧守貞父憫其志諷友達意焉適翁歿家貧繼姑莊以力不能迎辭貞女曰生喫一碗飯死費一口棺貧何患無何繼姑亦卒夫弟德燁尙幼乃泣告父母曰撫育之責舍我其誰言訖嘔血不止父義而從之自湖北來歸于顧旣歸獨處小樓訓女徒以助不足頸生疽人勸延醫調治拒之曰吾面不使男人見吾項可着男人手耶後竟以是疾卒時爲乾隆四十三年嘉慶二十四年旌

鄭震炎妻欽氏長洲人乾隆五年旌建坊吳縣感慈塢墓前

顧潤妻楊氏元和人年二十一夫故守節嘉慶二十四年旌

顧方伯濟美妾徐氏長洲人乾隆三十年寡嘉慶八年卒

潘奕雯妻陶氏吳縣人逮事翁姑以孝稱年二十七夫歿遺孤世哲
纔三歲矢志苦守嘉慶十六年旌

補乘續編

卷十

列女

全

二氏

成註字杲徹姓郭徐州銅山人少出家年二十受具戒于寶華山徧參諸山嗣法于天童石吼徹公已而專修淨業乾隆十六年住蘇州獅林寺 上南巡幸其寺 敕名畫禪日率衆四會唱佛名往往燭跋香燼衆一一退散註佛聲不絕也時應衆請演瑜伽談口所得觀施輒付監院充修造費未幾堂廡煥然日恢其舊中夜修大悲懺法脅不至席一日方持佛名木魚墮地忽有省自是信口說偈若素習者嘗示衆云腳踏無生路四面何回互推出衆人前分明絕舉揚本來真面目萬事皆具足觸着與磕着處處超佛祖更有念佛親西方勝境真蓮胎保養處不隔一毫塵若人達此意

補乘續編

卷十

二氏

齒

不勞向外尋業識消磨盡往生卽此心華開親見佛萬象盡回春見居士問法者輒曰娑婆苦盍從我西方去乎三十四年下痢臥病頃之召侍者曰扶我起坐索桶餅湯飲之正念而逝年七十三

僧宏通述

畫禪寺雜錄。互見正編 巡典

實定字聞學姓張松江上海人晚至蘇州住文星閣嘗言達本之人功未齊于諸聖得生淨土果行方圓故常提唱念佛法門著淨土詩一百八首乾隆四十二年歸江陰香山寺明年正月連稱阿彌

陀佛說偈而逝

二林居後集

藝文

游宦流寓女秀著述附

褚省曾詩經遺音十卷

字諡將長洲人諸生寅亮父

張映葵尙書節註。增訂四書說約。性理鈔。四六法海。唐詩

選。明詩選。問裕堂文集。寸知集

府志長洲志俱有傳所著書未刊行

張鳳孫貴陽存稿

傳見流寓

郭忠恒江南名勝圖咏錄

字立中長洲人府學諸生

任志尹儵廬詩草四卷

字若衡長洲人乾隆元年舉人

邵岷正思堂集四卷

傳見正編

褚寅亮儀禮管見十七卷。儀禮答問三卷

推闡鄭學糾正敖君善氏集說之失。春

秋公羊傳釋例三十卷

以時月日爲例分門別類悉本何邵公之說

。周易一得四卷

補乘續編

卷十

藝文

全

。四書自課錄補遺二十卷。周禮公羊異義二卷。穀經一卷

。十三經筆記十卷。勾股三角術圖解。諸史筆記八卷。諸

子筆記二卷。諸名家文集筆記七卷。雜記四卷。宗鄭山房

古文八卷。四六賦三卷。古今體詩十六卷

以上未刊

。重訂朱子

年譜一卷

校正二李譜之誤此書已刊正編僅載經解未紀書目

余蕭客注雅別鈔。纂修畿輔水利志

餘見正編有傳

沈虹篷莊詩稿

有傳

姜晟撫苗備覽。自訂年譜。粵遊草

有傳

張定業啓蒙字義韻箋

未刊。字開成長洲人乾隆二十七年副榜貢生

吳俊救荒徵實五卷。榮性堂集

字軼千號蠡濤吳縣人乾隆三十七年進士官山東布政使詩取徑

幽深精心獨造嘉慶十九年吳中旱慮粥廠有弊易粥為錢計口散給老疾無不徧全活饑民至三十餘萬

葉堂納書楹曲譜正集四卷外集三卷續集三卷補遺四冊王文治評贊善

序 ○湯臨川四夢曲全譜 ○北西廂曲譜字廣明號懷庭長洲人名醫桂孫

韓是升聽鐘樓詩集八卷法式善序續刻二卷已刊 ○洽隱園叢稿未刊有傳

范來宗選刻況太守治蘇政績集十四卷 ○自訂年譜一卷 ○洽園

詩彙十二卷續刻詩彙六卷 ○試帖一卷 ○律賦一卷 ○詩餘二

卷有傳

錢思元兔園類記十五冊 ○輯易緯書緯詩緯禮緯春秋緯論語緯

孝經緯凡七種 ○吳門軼記 ○吳門軼事 ○吳門紀事 ○止菴隨

錄 ○止菴聞見錄 ○止菴日記 ○怡菴隨錄 ○嶺表錄異補葺 ○

補乘續編 卷十 藝文 全

夷堅志補遺 ○怡雲小草 ○止菴詩文存稿

馮培鶴半巢吟稿十卷續鈔五卷三鈔五卷無錫人元和籍乾隆四十三年進士官戶科給

事中 流寓

吳文垣綠玉山房文稿 ○亭帚亭詩 ○中原菽 ○讀史錄未刊有傳

程際盛禮記古訓考 ○周禮故書攷 ○儀禮古今文攷 ○說文古語

攷 ○駢字分箋續 ○方言補 ○清河偶鈔 ○稻香樓集字煥若號東冶長洲

人乾隆四十五年進士官至監察御史

張鳳翼瑞芝閣景行錄 ○清河逸事四卷 ○自訂年譜一卷 ○古文

選 ○唐詩管花集 ○國朝詩管花集 ○自著古文八卷 ○詩十

二卷 ○詩餘一卷未刊有傳

沈奎見亭詩彙有傳

潘奕藻歸雲詩集字思質號畏堂吳縣人乾隆四十九年進士官刑部郎中

宋思仁太平便覽時官太平府知府因郡無志乘作此備考 ○廣輿吟二百首亦官大平時作 ○

泰山述記十二卷扈駕東巡時撰 ○有方詩鈔 ○彙餘存稿 ○自述行

狀字藹若號汝和長洲人邦綏子官至山東糧儲道

顧兆年秀野樓文集 ○磨鐵齋詩集吳縣蠡墅人監生以子寅貴贈如其官

張思孝獨樹山房詩集字南陔號白華長洲人歲貢生為陳魁門下士詩集或作白華堂詩

陸象拱對柏山房集字杏村長洲人監生

汪雷階自訂年略字岷忱吳縣人工部員外郎

陳樹華春秋內外傳考正五十卷字芳林號治泉元和人由蔭生官澤州府同知少時愛左氏內外傳

補彙續編 卷十 藝文 全

參稽攷訂至老不衰

徐文錫竹所遺稿吳縣人諸生

朱丕成焚餘詩鈔四卷字觀揚元和人諸生

王芑孫淵雅堂文彙十六卷 ○文外集四卷 ○詩彙十七卷 ○試帖

二卷 ○遙想詞一卷 ○讀賦卮言一卷有傳

尤維熊二娛草廬詩詞鈔四卷字祖望號二娛長洲人乾隆五十四年拔貢生官蒙自縣知縣

蔣曾煊學圃文鈔四卷 ○抱一閣詩集八卷 ○倚雲詞二卷字德融號梅厂

長洲人

嚴榮禹貢地理補註 ○毛詩塾本 ○桐花軒筆記 ○館課存稿 ○寶

儉堂詩集俱未刊 ○吳縣人乾隆六十年進士

何錦篋中草

字尚之吳縣人諸生

徐葵澹如近草

字佩雲蘇州人諸生

吳溥歷代人物氏族志正續編二百四十卷

以韻排姓如唐林資姓纂例廣蒐事實如宋章

定類稿 鳴秋詩草三卷

已刊。字霖施號西津吳縣木瀆人諸生

吳翌鳳懷舊集十二卷續集五卷女士詩錄一卷○印須集八卷續

集六卷又續集四卷

二集皆選輯舊友新交所作繼王文簡感舊集之後

○吳梅村詩稿輯

註○枚庵詩稿

號枚庵長洲人諸生

蔣曾榮金石攷二卷○賜書樓文集四卷○職思居詩鈔二卷

字豫川元

和人重光子陽湖縣訓導

徐應階種梅館筆記○蘭石山房詩集

字泰符號復堂元和人官詹頰之父諸生

補乘續編 卷十 藝文

尖

錢士鋒半綠莊詩彙一卷

字日堅吳縣人諸生

韓煦樂廕吟稿

字敏功一字子和號友林長洲人諸生詩凡一百八十一餘篇與室顧慧涵蟾吟彙合刻名曰數卷書屋詩

稟顧承序

沈春涵讓花書屋殘稿

未刊有傳

談有耀金粟館存稿一卷

字均如吳縣木瀆人諸生

錢爲梁雪葵詩稿

字奉津號雪葵吳縣橫金人詩有清致早卒

孔傳洛自警編

字念芑吳縣大村人嘉慶九年舉人此書紀見聞所及之事用以自警

陸鳳藻識小錄四卷

字丹展吳縣人嘉慶十二年舉人

李福嘯月軒詩草

字備之號子仙吳縣人嘉慶十五年舉人

顧崧一粟廬吟草

傳見藝術

鼇圖南來集

字伯麟號滄來漢軍始任長洲知縣
既陞蘇州知府終按察使。游宦

孝女王素瓊章詩艸一卷

有傳

補乘續編

卷十

藝文

全

雜記

類行

范文正以司諫出使江南至宿州聞郭后廢乃復馳歸京師至國門

呂文靖遣其長子候之曰司諫其來以廢后事耶文正不答既得

對乃盛言之竟以是罷職

王鞏聞見近錄

范文正語先鬱敏名素曰每夜就寢即竊計其一日飲食參養之費及

其日所為何事苟所為稱所費則摩腹安寢苟不稱則一夕不安

眠矣翌日求其所以稱之者

王鞏隨手雜錄

仁宗初獨聽政范文正以進擬資敘班簿圖上之冀曉上心使執政

者不得越次欺罔執政以事危之遂謫知饒州諸公出餞語文正

補乘續編 卷十 雜記

曰前黜已光今更光矣文正諶曰今回光後回光直待上宰了仲

淹方是了期耶衆大噱

王從謹清虛雜著補闕

慶歷中范文正富文忠韓忠獻執政議斬邊帥范文正力爭之至論

上前退之殿陛文忠厲聲曰六丈無過待作佛文正曰上富春秋

公等故二殺人行看劍在吾輩頭上矣其後文忠忠獻咸以為不

及

同上

范文正公少時多延賢士胡瑗孫復石介李覲之徒與之游晝夜肄

業帳中夜分不寢後公貴夫人李氏收其帳頂如墨色時以示諸

子曰此爾父少時勤學燈煙蹟也

郝承燦澹生堂藏書約

范忠宣公寓居永州東山寺時諸孫尚幼一日戲狎言語少拂寺僧

之意僧大怒叱罵不已公坐於堂上僧誦言過之語頗侵公公不之顧家人聞之或以告公亦不應翌日僧悔悟大慚遂詣公致謝公慰藉之待之如初若未嘗聞也

范忠宣公謫永州年七十餘矣每朔望日必陳列其家所藏四朝宸翰及宣賜器皿於堂上率其子孫羅拜其下拜畢緘藏如初然後長幼相拜啜茶而退自始至及北歸未嘗或輟

范忠宣在永時苦目疾不復觀書有來謁者亦時舉諸經大義告之然未嘗以爲己出每舉一說終則曰此先公之訓也或曰此翼之先生之語也此明復先生之語也公嘗言學者當有所宗某自受教於翼之先生不敢有非僻之心

補乘續編

卷十

雜記

在

范忠宣公居於永太守觀望時政與公相忘歲時亦不加禮建中靖國初朝廷將起公遣中使宣賜茶藥問勞甚至官吏遂生新敬及公將行皆出送於四五十里外公辭之不可乃一一延見慰藉有加或進謂公曰時事一變朝廷將復用公矣公謝曰某罪大責薄蒙恩內徙若得正邱首幸矣他非所願也言者慚謝而退

以上四條曾敘

行獨醒
雜志

袁安節公洪愈爲諸生赴儕偶文會第攜餅餌數事就僧廬啜茗飲一杯強與會食則不可曰吾貧生不能與諸君往還相酬日溷諸君吾且不敢廁席末耳其自太常歸里借榻道院中翻閱經史性能啖飲日惟蔬茹而已不能具一肉食以爲常

王少湖先生敬臣事繼母郁安人百端備色養安人性卞急臧獲稍拂意卽洗漬擊牀毀器先生蹠而解不得匍匐門外頃之日且日矣久而安人格其誠竟蒸蒸豫也

二條節錄姑蘇名賢小紀

楊儀部君謙性最嗜書家本素封以購書故晚歲赤貧所藏書十萬

餘卷纂其異聞為奚囊手鏡劉子威藏書亦不下數萬卷

藏書約

張靈字夢諱吳中名士也早歲功名未偶落魄不羈寄情詩酒閒臨

終之前三日作詩云一枝蟬蛻榻當中命也難辭付太空垂死尙

思元墓麓滿山寒雪一株松一日又作詩云彷彿飛魂亂哭聲無

情於此轉多情欲將衆淚澆心火何日張家再託生二詩可以想

見其風致

朱承爵存餘堂詩話此條補入志本傳

補乘續編 卷十 雜記

空

長洲尤翁開質典歲底聞闕聲出視則隣人也司典者前訴曰某將

衣質錢今空手來取反出詈言其人悍然不遜翁徐諭之曰我知

汝不過為新年計耳此小事何足爭命檢原質得衣四五件翁指

絮衣曰此禦寒不可少道袍與若為拜年用他物非所急可畱也

其人默然去是夜竟死於他家蓋此人因負債多故懷毒作詐計

既不獲則詐於他家耳或問翁何以知之翁曰凡非理相干其中

必有所恃小不忍則禍立至矣人服其識

智囊譜

類事

翁彥樞蘇州人應進士舉

見吳縣選舉

有同鄉里僧出入故相公裴公垣門下以其年髦優惜之雖中門內亦不禁其出入手持貫珠閉目

誦佛不輟垣主文柄入貢院二子勛質日議勝于私室僧處其間
二子不之虞也其擬議名氏及與奪進退僧悉熟之矣歸寺而彥
樞訪焉僧問其將來得入之耗彥樞對以無成遂狀僧曰公成名
須第幾人彥樞謂僧戲已荅曰第八人足矣卽復往裴氏之家二
子議如初僧忽張目謂之曰侍郎知舉耶郎君知舉耶夫科第國
家重事朝廷委之侍郎欲侍郎刻革前弊孤平得路今之與奪悉
由郎君侍郎寧偶人耶且郎君所與者不過權豪子弟未嘗以一
孤平議之可乎卽屈其指自首及末不差一人其豪族私讐曲折
畢中二子所諱勛等大懼卽問僧所欲且以金帛贈之僧曰貧僧
老矣何以金帛爲有鄉人翁彥樞者徒要及第耳勛等曰卽列在

補乘續編 卷十 雜記

三

科僧曰非第八人不可也勛不得已許之僧曰與老僧一文書來

彥樞其年及第竟如其言

玉泉子

成化壬寅

十八年

春吳中疫癘盛行田野尤甚五淥涇有一家七人死

無子遺無人爲殮市有匠人遇老人詣門買棺七具而赤手不持
織價匠八索之其人曰汝但載我併棺到家當償汝也匠人遂載
棺與俱去將至門其人曰我先歸開門待汝家無一錢惟有麥二
十斛可以償汝屋後西北某家子親也可爲我召來言畢遂先登
岸入門匠人乃與舟子至其所則寂無人視室內有屍七而買棺
者在其中大駭出門覓其親爲之殮所畱麥適償其值

枝山語怪

萬曆乙未三月廿九日雷震閭門譙樓西南竊首劈碎柱石適是日

吳邑侯袁中郎宏道上任先是民謠曰吳縣知縣到霹靂震得暴
分付閭門人家家防響報豈郎官上應列宿天戒以示儆歟堅瓠集

先時蘇州有童謠云要離高出城天下動刀兵萬厯間有高兵備名
出謂古跡不可無以表之遂立一碑于要離墓上後書東海高出

題南濠一帶皆望見之且姓名巧合而流賊漸起亦異哉堅瓠集

蘇州建周忌分公順昌民變擊斃校尉後蘇民倡議天啟無道互戒

天啟錢不用各府州縣從而和之積天啟錢無算後傳至京師各

省出示曉諭錢乃復行私禁凡十閱月曠園雜志

糜都兵巷寶積廢寺乾隆三十一年夏積雨大殿墻傾露出鍊砲六

位敗盃甲無數砲鐫弘光二年鑄順治三年鑄并有麩餅數鐔已

補乘續編 卷十 雜記

九四

朽敗不知何緣貯於墻內

吳中不利戊子歲自元至今凡遇九戊子惟成化四年順治五年無

他異元至元二十五年大水至正八年大水明永樂六年水嘉靖

七年大旱俱見萬厯十六年亢旱大疫見吳中雜記康熙四十七年大

水見乾三十二年旱又宋戊子歲旱劍池亦乾曠見叢書

前志生員倪用賓等十八人哭廟一案詞連顧考功予咸身幽囹圄

尋得釋作遭難自述文其畧曰順治十八年辛丑正月 世祖上

賓敷天同痛 哀詔至撫司郡邑集紳士哭臨會有吳令某令為任維

初後以貪婪私盜漕米易值以媚撫撫為朱國治諸生某某職踐更者

不能平因訐令諸不法事撫某疑薦紳與其謀借征輸事邀紳公

議屢目子而不言其故子亦不能先意以承諸生又以事不白群
奔哭孔廟廟與撫署相先後哭聲達署撫大懼吳中故習諸生事
不得直卽作捲堂文以儒冠裂之 夫子廟庭名曰哭廟撫未之
前聞旣恐且恨張皇撫拾糾諸生驚 大行抗國賦言言皆反側
所爲密以 聞舉朝大震 廷議遣滿部堂按狀并去秋納款附
海各款令督撫提鎮而公訊焉撫恐得實急謀所以自全因密許
縉紳指使預謀者意屬於子滿部堂諾之撫遂先檄監司某具諸
生獄監司與合同鄉左袒令得直坐諸生以罪爰書成部堂抵
江寧令甲騎縛諸生往而檄吳令受縣事如故諸生至省分械之
間日一訊榜掠百出務得指使名且揚言曰囚何愚此非措大事

必有富貴人主之囚何以死事富貴者諸生堅不承極刑幾斃漫
言許令日曾以劣款遍告鄉紳訊者急問紳何名生首舉予以對
乃不更問卽檄道府逮予四月十二日天雨適構梅樹間小閣闌
人奔告曰府守求見辭之再不去逕趨入予亦趨出守倉皇出檄
曰諸生許令事部督諸公邀先生公勘得先生言諸生當得脫予
曰是波及我也予何愧急呼小艇往十五日抵江寧晤同門鄧子
元昭具述諸生所供送揭事爲累予以送揭故套何地蔑有不爲
意晨撫令邏騎遶旅舍促予入滿城予遂肩輿去無難色然竊訝
何故急不少需如是及至會訊之門入坐門側同年蔣子虎臣超
亦爲金壇案逮至相對太息少頃滿漢卒至撈予肘而以鐵索加

頸例職官在籍有犯必奏褫之而後勘之而後刑予大聲呼曰我
郎官也未奉 旨褫革不囚不辱蔣子亦助之呼衆弗顧擁至一

署牽之入

卽禁所故明
光祿寺署也

并縲其手足予環視楚囚纍纍赭服蓬首

腥穢不可近悉京口金壇案所繫紳士也衆坐予一板床其下卽

同逮朱子鳴虞及其子三錫及馮生唐生薛生子因問送揭之事

誰首之幸生曰揭出我手先生不閱委之地我必以白先生卽死

不累十八日提訊訊所乃故明舊內武英殿也入門坐瓦礫中諸

生如王如沈如倪皆昇而擲之階下脛骨皮僅屬有死色予度曰

生許令卽反坐無死法何慘酷乃爾有頃司官先鞠薛生

名爾
張 拷

掠備至供無累馮生

名唐生
治

相繼受刑無所供乃呼予反覆

辨駁予神甚壯氣甚豪不作楚色司官中有素知予者攜而說之
堂予抗聲曰某何罪無罪不囚今日之作囚以跪對者果何爲耶
衆皆愕然已而推究紳黨予曰某本無罪况他紳乎堂上多作滿
語刺刺不休通事者伏檻側密語曰堂上說爾家常敲鐘擊鼓凡
吳下軾禮六事皆由爾主張詞俱先入者遂罷訊仍收禁所二十
日又訊盡刑諸生哀號悽惻予痛苦身受二十五日又提訊予語
諸生曰君輩懼我罪然我以微罪罷官何害勿以死狗我薛生宛
轉欲死乃大言曰囚知上意意在紳某卽索筆供曰急俟命命何
語卽作供訊者相顧俯首命拽之去自是不復訊不知其竟以大
逆定獄詞也禁所邏者皆滿卒卽漢伍亦畏法信杳不通聞傳一

二語都不得實杯羹至恐置毒必揚其羹禁飲善飲者或以醴醬和肉而進察出隨傾之又禁書書有紙恐藉以字通又禁兵刃卽寸鐵不進傍髮覆及額夏月禁蚊帳穢氣熏蒸蚊蚋多萃未晡聲如雷囚皆銀鐺其手吮血至飽不得驅拂邏者五日一更悉憐子無事許獨設一帳以安臥聞皆呻吟聲見皆頤蹙狀度長日如小歲外言不入內耗不出雖自信無罪而神之壯者衰氣之豪者餒矣先是撫某訊所相遇舉手曰告先生幸無侵吾當得白幸少須又遣人語曰先生爲天官無故而擾之不得 旨不敢釋 旨亦眉睫間耳幸母怨至六月初旬金沙諸公見子數垂涕私語曰顧先生何罪而罹此難籍其家羈其屬轉相浩歎聲漸及耳子弗之

信甚有爲予作誄詞作紀傳者匿不以告而見而垂涕者益不絕同在死中而死者冤之之情如此同逮朱生之僕多慧聞必以告捷如影響予督之再始告曰先生千古奇冤言未吐而大慟乃知坐予以指使之律律纒首而諸生十八人皆立斬此六月望日也子五內如焚痛念吾祖父讀書三世積德累行始倖登一第乃以非律死且坐以惡名何面目見吾祖父 先帝顧盼所及授以銓衡尙乏涓埃之報而以非律死且坐以惡名何面目見 先帝淚咽氣塞怒恨填胸誓絕食死不甘法死朱父子進曰獄雖成例當駁讞或得昭雪何決死爲子曰惟飲水粒米不入口于是滿邏者長跪俯首各以物餉漢邏者亦如之同獄者亦授以果餌作生饗

狀至夜分析者益嚴環伺無虛刻惟恐予之不甘於法也十八日
外傳 旨下獄中譁然有託後事託家事託屍事者嗚咽長號不
絕於耳最亂心曲予乃倩朱大署其背某官某姓名及其兩股又
大署其胸千古奇冤四字索衣冠而整之坐以待旦黎明召邏者
告之曰爾左右我兩月餘可謂善事生矣若能善事死乎臨刑之
際停我北拜吾 君南拜祖父而後就刑勿忙亂群應曰能衆皆
失聲越二日晌午有銓司共事賀姓者手持片紙至獄隱隱呼予
姓名予不應隨呼七八囚以往頭之賀又來朗然呼予名予應之
曰刑乎曰否出吾語予徐曰釋子矣速慶再生遂解其捺扭正其
衣冠而鐵索仍在頸項間邏者偕出見諸僕羅拜道左淚盈眸前

語曰得生矣猶受杖予且喜且恐恐杖多等斃耳至訊所賀先以
前呼七八人往各受杖朱之僕覓丸藥以進其主亦以一丸授予
予嚼之舌燥不得下尋朱生受杖出乃召予上供 龍亭予跪階
下反多悻容移時賀乃爲解鍊索傳諭之曰 皇上旨以汝爲本

朝官道送揭不看無他志釋爾罪復爾官母忽咸北向九叩頭

東向長揖謝以出時四案中擬大辟一百八十餘人惟先大夫邀
特恩奉 旨願予咸逆生送揭不看無罪免

死免籍沒并免革職禁繫六十有三日嗣立謹識肩輿至季弟子壯猶子嗣曾相持大哭

因悉五月二十日抄家之事律制凡罪擬籍沒疏上看守其家產
入口得 旨而後行未有先掠如盜狀者先是籍沒檄下撫謀之
中軍李某勒其率甲以往李託以非所職掌恐滋物議弗從乃召

郡守某謀傾其家以絕資緣守穢夫也勇而前往又偕其佐朱君

孔照乙未進士任海防同知湖廣應山人

劉君

瑞任總捕同知正藍旗人

及邑令劉君

合聞長洲縣知縣順天大

興三君至門列坐流涕守獨攜心誓排闥入急搜其裝若篋若籠

罄諸所有老妻二妾挾牆奔竄漏盡無栖止地諸穢子皆星散越明盡收諸僮奴勒以供田宅所有老妻號泣而出兩妾爭從之誓併死收出園扉長兒年十七亦囚焉守又密遣心誓踰墻而入凡古玩器皿書畫冊子攫取無遺先是子罹此難吳中人士萬口同聲街談巷語靡不唾罵某而痛惜子每夜必焚香祝天會大旱諸司步禱民皆曰烹弘羊天乃雨又曉行丹陽道者霜集衣袂昔人稱六月飛霜良不誣也子寓金陵有老姥年八十餘策而求見摩

子背曰公善人遇難何害子謝不敏及渡江過郡邑暮泊舟岸側爭相物色以無恙為快及歸而傾城求見日數百人固辭不得去嗚呼子無罪故人寃之揆厥所由于性介不阿絕人過當達官長者素不干以私若地方利弊所關攘臂以起直言無隱往往觸當途已言管撫某之蒞吳也旅進旅退情未浹會有監司某每事必諮詢子必答必詳某遂以告撫陽以清議相望而生忌生畏遂生禍一日撫猝至子實他往疑故謝之不懌詰朝子往撫署又不遇翼辰撫又來攢從密語語移晷大都皆講情面子又答以道義退而言曰此老偏強利不可動將來必短長我而殺機伏矣子坦衷直腸初不知其欲殺已也交仍落落而殺機日熾遂及于禍子禍

甫脫而以抗糧之罪加三吳盡上紳士之連毫末者請于 朝皆廢斥而仕籍學校一空又以吳人怨已恐不測借防海名請兵駐蘇者三年而民室一空此雖三吳之劫運而實予階之厲

康熙戊申三月太湖有三龍鬪一金色一青一白鬪良久二龍敗去

惟金色者游行自得時風濤大作雷雨交助遂成巨觀

曠園雜志

庠生吳三新者家住胥門父克牙戶曾欠楊敦厚錢二百五十千被控吳縣甄令輔廷鞠之怒生詞愆笞之二十時嘉慶四年四月十七日也吳生以未革擅責僇辱已甚輒于明日紫陽文課之期詣院徧訴同袍諸生激于義怒髮上指相率奔訴于府斯時解散特易易耳任太守兆炯竟揮而斥之且諷甄令褫革吳生諸生愈憤

補乘續編

卷十

雜記

百

以學使爲斯文領袖理宜稟訴會平公恕自松江回泊舟胥門馬頭諸生麇至紛紛投揭求爲伸理平公不察斥爲扛幫衆怒愈甚翊日平公散題課紫陽合院相戒不作文監院呂星垣據實飛稟先是中丞宜公興方伯通公恒俱聽先入之言意存左袒而平公乍至亦以衆議不察是非至是遂有甘心學校之事捕廳李焜者太守之私人也一以此事付之立拘生員數十嫌少疑齋夫狗庇非刑拷掠遂誣供百餘人至有院課有文馬頭無揭者亦與其難元和袁仁虎吳縣馬照王元辰三人各掌責數十袁與當道有嫌受刑更毒馬曾出扎糾人王供詞過硬俱黜革其餘羈學是日捕廳門首萬衆喧唳飛瓦鼓噪其不釀成事端者幸也府覆審解

司解院諸生連日奔走大雨中衣履沾透泥淖徧體相對幾不相識無何馬擬軍袁王儼徒餘斥革開釋有差僉謂定案如山莫能易也甄令委署糧廳正在撫轅稟謝揚揚得意忽奉 旨革職交總督費淳審辦頃刻喧傳閭巷頌聲載道即日解犯赴省而費文懋公兩面周旋不爲已甚至七月忽得宜中丞解任之信平院李應相和擬諸生之黜者皆復一時事局頓變後王公德奉 命來蘇覆審深以開復三生爲非是詭語馬生日爾何罪扎中聲氣等字何礙但註明便可結案馬不悟如其意註之遂坐以首事飛章以 聞奉 旨李焜降一級以知縣用馬照袁仁虎王元辰依擬軍徒自此鐵案已定官牆諸友特撫時感慨而已李焜竟緣得

如臯缺正東張赴任忽爲湖南私書事効力軍臺時馬生以親老畱養後王袁二生亦赦歸依然故我此案自夏徂冬局凡四變以學校始仍以學校終憶戊午春吳縣學宮有謀斃兩命事至秋殿庭枯樹自焚二者均出非常禍機之兆其在此歟

附

青浦王述菴侍郎與平寬夫提學書違晤經時伏稔執事與居

嘉豫弟以 鼎湖大故匍匐入都前日始至吳下備知諸生獲罪緣由深爲駭異諸生寒士居多求貸于富戶乃事理之常伊等或以教書爲業或以筆墨爲生無力償還亦其常分知縣有父母師保之責正宜加之憐惜或代爲寬解或再爲分限俾得從容措繳即使伊言語粗率亦何至不能少待當堂擅辱寒士

以媚富戶實無情理此非該令平日與富戶交結往還受其賄賂卽係意存討好爲事後得錢之計情事顯然不待推求而可見諸生之不平則鳴有何足怪惟是時承審之員非該令結納之上司卽係狼狽爲奸之寅好通臬司將赴湖南不顧其後而撫軍初莅新任以致四出濫拿牽連數十掌嘴鎖項凌辱不堪成何體查律令內從未見生員借貸遂至革責之條如以聚衆爲名亦當視其應聚與否耳漢之太學生舉旃闕下不可勝紀唐之太學生爲陽城而聚衆宋之太學生爲李綱而聚衆至南宋周朝端專爲趙汝愚而聚衆史冊載之以爲美談不一而足凡事必當定其是非如諸生詞窮理屈糾衆以挾制縣令重

懲之宜也如縣令先以挾私違制則人有同志豈能默默一呼百應籲告上臺自無不可斯時卽宜告承審各員研究富戶平日與縣令有無交結何以討好若此果無他故然後糾以性情兇暴違制擅責之咎仍另爲該生寬緩清還諸生自必歡然而散何至成此大獄使士林重足而立乎弟至京師那繹堂司空言宜撫軍爲人仁厚達竹軒倉場亦言其老成精細及昨過蘇相見謙和恭敬抑然自下實有古賢臣風範特其時兩司未到讞案已成事又無一言救止致使地方官肆其蹂躪此必非撫軍本意也今者節蒙 皇上坐照如神洞燭其敢於違例庭責之由降 旨再飭制軍研審制軍居心公正未必謂然而成事

不說覆盆能白尙未可知倘執事以繫鈴者解鈴而日月之更人皆仰之矣弟此次進京仰見 皇上典學右文而如韓城諸城及石君冢宰繹堂司空贊翊 熙朝愛才好士力持大體恐承 旨之下於此亦不釋然弟見數十年來小省學政職分本微奉督撫如上司與州縣相結納甚或幸其嘖爾蹴爾之助囁囁唯若殊爲可恥若夫江浙學差率皆三品以上大臣出膺任使地分本高卓爾自立故遇諸生品行不端者斥之學業不進詞章不工者令廣文夏楚之其餘是曰是非曰非所以重人材而勵廉恥今執事以詞林雅望游受 主知冀旦夕入贊 綸扉惟是扶持士類主張名教庶可與石君諸公相見耳至近來

州縣所以魚肉諸生其意蓋專在立威威立而諸生箝口結舌則庶民何敢出而爭是以獄訟之顛倒徵收之加耗無所不至比者言路大開江南漕政橫征重斂已仰叨 聖鑒故制軍力爲振作今冬定作清漕之局但州縣或尙有陽奉陰違倍收多派恐_止盜連名控告而州縣指爲鬩堂鬧事者居多未知俟案定而量加葷戒亦或仍如此案不糾州縣之失而卽科諸生之罪若使助醜而張其氣則吏治之壞不知伊於何底也弟陳臬三省且于大理寺都察院刑部三法司俱爲堂上官所見生監控告之案不勝枚舉然未見有因其抗令而左袒至如此者弟與緣事諸生素無師生故舊之雅一至蘇州並荷 聖明指駁

所以不辭饒舌者實以此案追債事輕而關於士氣者重關於將來之漕弊者尤重且爲執事風節聞望所關夙叨世好度無肯效其忠告之誼者故忘其愚昧用布區區或以規爲瑱則韓文公爭臣論歐陽文忠公與高若谷書及杜祁公論石介書取而研究之可也

嘉慶九年三月大雨兼旬河水泛溢田禾強半淹沒彭侍御率先出粟平糶撫軍汪公榜諭諸富人踵行之一時樂從者實鮮二十日以後鄉村囤米富戶漸有被掠者始自唯亭延及負郭其勢洶湧日甚一日至二十八日郡城亦復不免矣臨頓里唐萬興家積米十餘厥隣里垂涎已久是日雨勢傾盆奸徒蟻聚闕然毀垣而入

補乘

編

卷十

雜記

高

或筐掣或衣裹去而復來汗如雨聲如雷勢如潮湧遺粒街衢積尺有咫瞬息間三大版罄矣元和知縣張侯炳南至縮瑟不敢前太守鼇侯圖至諭令解散不聽參府祥泰率兵弁至驅馬衝突擒獲六十餘人始稍稍退同日被掠者不下數十家彙囚至獄不能容撫軍以前長春爲小人之尤且與唐有隙坐以斬餘絞戍有差

類校訂

吳有洞庭山名也楚有洞庭湖名也郭景純賦云爰有包山洞庭巴陵地道潛達旁通幽岫窈窕蓋謂君山有石穴通吳之包山故包山亦以洞庭名酈善長注水經二湖俱以洞庭爲目誤也張文肅夜過洞庭詩云曉發吳閶門夕渡廣陵汜日暮江帆遲洞庭三百

里微風澹無波明月照天水隱隱見君山鐘聲翠微裡是吳地也而混於楚矣豈得以君山屬吳耶

湖南岳州府所屬縣亦有名平江者見一統志四川寧番衛元亦名蘇州洪武中廢州立衛見明史土司傳高麗亦有蘇州見洪皓紀聞北魏亦有會稽郡卽漢燉煌故地見一統志吳縣有侍其巷宋侍其河所居也金陵亦有侍其巷今訛爲雉雞見金陵志武昌君山亦名洞庭山見事物紺珠安寧城北亦有虎邱見馮時可滇行紀程虎邱唐避諱改爲武邱姚簡宋書作獸邱按琴州志直塘墅有晉時武邱寺是在唐以前浙江龍泉縣有劍池爲歐冶子鑄劍之所見龍泉縣志豐城亦有劍池見陰鏗詩江寧府亦有臯橋亦

補乘

編

卷十

雜記

夏

引伯通事見金陵記浙江諸暨縣有楓橋見鄭元祐集所謂越楓橋也湖廣有楓橋堡見岳陽風土記姑孰卽今上元縣有夏駕湖見宋書臨川郡有館娃坊見段成式諾臯記興國州有滄浪亭見廣輿記

鮮于伯幾云揚州分野正值天市垣所以兩浙之地市易浩繁非他處之比此說甚新又術者云近世乃下元甲子用事正值天市垣所以人多好市井謀利之事癸辛雜志

春秋時吳越分界自在嘉興之境春秋於越敗於槁李乃越地卽今嘉興也錢唐江乃是越地吳投子胥於江乃胥江何曾是錢唐江乃謂潮頭爲子胥怒潮吳山祀子胥主不安王荆公碑亦說錯五

代僧錢唐詩云到江吳地盡隔岸越山多是不知界限車若水脚氣集

宋施宿會稽志曰按三國志吳郡會稽為吳會二郡張紘謂收兵吳

會則荆揚可一孫賁傳云策已平吳會二郡朱桓傳云使部伍吳

會二郡全悰傳云分丹陽吳會三郡險地為東安郡是也前輩讀

為都會之會殆未是錢康功曰今平江府署之南名吳會坊漢書

吳王濞漢書上患吳會輕悍按今本史記漢書並作吳會稽不知順

帝時始分二郡漢初安得言吳會稽當是錢所見本未悞後人妄

增之魏文帝詩吹我東南行行至吳會陳思王求自試表曰撫

劍東顧而心已馳於吳會矣晉文王與孫皓書曰惠矜吳會施及

中土魏元帝加晉文王九錫文曰掃平區宇信威吳會阮籍為鄭

補乘編卷十 雜記

真

沖勸晉王賤曰朝服濟江掃除吳會陳壽上諸葛亮集曰身使孫

權求援吳會羊祜上疏曰西平巴蜀南和吳會荀勗食舉樂東西

廂歌曰既禽庸蜀吳會是賓左思魏都賦曰覽麥秀與黍離可作

謠於吳會武帝問劉毅曰吾平吳會一同天下石崇奏惠帝曰吳

會僭逆幾於百年石勒表王浚曰晉祚淪夷遠播吳會慕容廆謂

高瞻曰翦鯨豕于二京迎天子於吳會丁琪諫張祚曰先公累執

忠節遠宗吳會此不得以為會稽之會也蓋漢初元有此名如曰

吳都云爾胡三省通鑑辨誤太史公謂吳為江南一都會故後人謂吳為吳會若孫賁朱桓傳則後

人之文偶合此二字不可以証吳王濞傳也日知錄

地理志吳有三江五湖之利仁傑按國語伍子胥曰吳與越三江環

之范蠡曰與我爭三江五湖之利者非吳耶然則三江五湖吳越所共非吳獨得而有也以春秋內外傳考之勾踐率中軍泝江注吳江也越子伐吳吳子禦之於笠澤夾水而陣吳軍於江北越軍於江南注松江也又越與吳戰於五湖注今太湖也吳伐越越子禦之陣於檣李夫差敗越於夫椒注檣李在嘉興縣夫椒在太湖中傳稱勾踐之地北至於禦兒西至於姑蔑注禦兒在嘉興縣姑蔑在太湖中按吳越相攻其在檣李在禦兒在笠澤則今秀州及吳江縣吳淞江也其在五湖在夫椒在姑蔑則今太湖也凡今嘉興華亭吳江崑山瀕江一帶之地其南則越之北鄙其北則吳之南鄙吳縣太湖亦然觀此則三江五湖為吳越共地審矣志以會

稽以下八郡為吳地蒼梧以下七郡為越地按會稽之六曲阿毘陵丹徒婁無錫陽羨此吳地也至烏傷餘暨諸暨山陰餘姚上虞海鹽剡由拳太末烏程句章餘杭鄞錢唐富春冶回浦則盡越地耳志當如韓魏之于潁川分明之可也

吳仁傑爾漢刊誤

嘉熙四年正月吳制使潛貼黃奏臣竊見錢唐建都百有餘年以陰陽言之海門吳水早晚兩潮今沙漲潮塞未必非天啟國家以轉機大有為之會也況謀者所報多云金賊為窺湖湘之計萬一不幸設有疎虞則去行扣邵陽袁撫衢信而已臣以為平江地勢充濶物產富厚他日可為巡幸之備蓋南斷長橋西阻松江北決江湖之水以斷毘陵之路則不患無形勢因吳之饒則不患無穀粟

團江海亡命則不患無兵而又去江不遠可以係屬人心收召豪傑有進之形無退之跡欲乞試入聖裁須作區處當局者不欲無故遷都扼而不行實中吳萬姓之幸也

豹隱紀談

名醫別錄曰蘭草生太吳池澤陶宏景曰太吳應是吳國太伯所居

故呼太吳

本草綱目

後序

昔范蔚宗歐陽公爲一代良史而後世則有後漢補逸五代史補之
書志乘若范文穆之吳郡志亦云詳贍而汪泰亨則又有補焉甚矣
記載之難也吳縣 錢止菴先生博聞多識予嘗受學於先生嗣君
小盦夫子之門幼時見先生手執一編丹黃點勘終歲如一日及予
游宦中州先生則已歸道山嘉慶甲戌夫子郵示一冊迺先生所著
吳門補乘十卷子受而讀之見其蒐羅廣富表章遺佚皆舊志所未
詳其於建置沿革田賦戶口風俗學校之類靡不博采周諮務識其
大而人

補先生之志亦良苦矣推言之脫先生珥筆
巖阿也府志自乾隆十三年重修後

是編以資考證其於絕續之交大懼

無所徵

而爲功於吾郡不尠而先生之志亦可以少

慰已夫道光二年仲冬門下晚學生李清傑謹序

昔太倉王弇州有蘇志備遺長洲顧惟中氏有姑蘇志補遺二書與王文恪公舊志相輔而行羅放失備考証也 先君子自乾隆辛卯偶中暑疾不克應鄉試遂絕意進取覃精著述見他書有裨志乘者輒錄之又參以時事久而成帙釐爲十卷名曰吳門補乘吳門者耳目所及也凡已見郡邑志者不錄人物流寓兩門間有已見復錄者訂正也人物不棄寒微不遺細行者闡幽也列女守貞事實必慎必詳者重名節也 先君子始作吳中人物續志本前明張景春體例兼及名宦列女藝術流寓二氏旣以巡典碑碣無可附麗始改今名而碑碣考一卷爲唯亭朱椒堂茂才攜去毀一人家無副本付之浩歎綺因輯續編

後跋

足成之仍爲十卷校勘再四爰付開雕志三文獻似關倘是書得與王顧兩家書並傳于世俾後之纂修者得資攷証焉庶不負 先君子編輯之苦心也夫嘉慶庚辰男士錡謹識

